

紫峴山人全集

紫峴山人外集卷三

湘潭張九鉞度西著

從孫 家棧 編次

南北朝僑置州郡質實

北兗州 劉宋失淮北乃分廣陵置北兗州治山陽今江蘇淮安府

西兗州 後魏置西兗州治定陶後周改爲曹州今山東曹州府

南兗州 劉宋置南兗州治廣陵縣卽漢淮南江都廣陵國今江蘇揚州府

北徐州 劉宋改鍾陵置北徐州治鍾離今安徽鳳陽府
東徐州 後魏改宿豫郡置東徐州今安徽泗州

南徐州 劉宋置南徐州治京口今江蘇鎮江府

東揚州 晉室南遷以揚州爲京畿穀帛所資出焉以荆

江爲重鎮甲兵所聚在焉常使大將居之三州戶口出

江南之半宋武帝惡其強大乃分揚州浙東五郡置東

揚州治會稽分荆湘江豫州之八郡置郢州治江夏東

揚州今浙江紹興府

北揚州 東魏置北揚州于古項子國地隋改爲項城縣

今河南陳州府項城縣

西豫州東豫州 晉改漢新息縣爲汝南郡治魏所置東

豫州梁改爲西豫州東魏又改爲東豫州今河南汝寧

府息縣

南豫州

晉僞置豫州治蕪湖劉宋改晉宣城郡置南

州今江南甯國府唐以當塗縣爲南豫州今安徽太

府

南雍州

東晉於襄陽僞置雍州梁改置南雍州治襄陽

今湖廣襄陽府

北魏以秦雍人流入魏境以萬數置

南雍州治洛陽今河南河南府

東廣州

北齊改廣陵爲東廣州陳初復爲南兗州今江

蘇揚州府

北江州

陳改南陵郡置北江州今安徽甯國府南陵縣

東楚州

唐改山陽郡置東楚州今江蘇淮安府

西楚州

北齊改劉宋北徐州置西楚州治鍾離今安徽

鳳陽府

北司州 梁改義陽郡曰北司州今河南汝寧府信陽州

南譙州 梁置南譙州隋改爲滁州今安徽滁州

西秦州 梁改北魏仇池郡置西秦州治下辨今陝西鞏

昌府成縣

東衡州西衡州 陳改衡陽爲西衡州分始興郡置東衡

州以別之治曲江今廣東韶州府

北建州 北齊改東漢固始縣置北建州今河南光州固

始縣

論貴州形勢附

貴州叢爾之區也其形勢有可言者乎曰孫子言兵無常勢水無常形卽地之形勢亦安有常哉今夫函關劍閣天下之險也一旦武關入平陰踰所謂函關劍閣者曾不得如門閭之限焉一成足以興夏矣三戶足以亡秦矣此一成三戶者豈有金城湯池之固哉有志者得而用之天下不能與之抗也其可以貴州爲叢爾而少之哉嘗考貴州之地雖偏隅道窄然驛道所經自平溪清浪而西回環達于西北幾千六百里崇禎四年督臣朱爕元討安位位降使通上下六衛並清平偏鎮四衛設亭障置游擊紀道里之數貴陽猶人之有胸腹也東西諸府衛猶人之兩臂然守偏橋銅鼓以當沅靖之衝則沅靖未敢爭也據

普安烏撒以臨滇粵之郊則滇粵不能難也扼平越永甯以拒川蜀之師則川蜀莫與敵也所謂以守則固矣命一軍出霑益以壓雲南之口而以一軍東指辰沅聲言下湖南而捲甲以趨湖北武陵醴陽不知其所守膺擊荆南垂頭襄陽而天下之警脅已爲吾所制矣一軍北出思黔下重慶敵疑我之有意成都而不疑我之颺馳葭萌也問途沔北顧盼長安而天下之襟吭且爲吾所扼矣所謂以攻則彊矣如是而曰貴州叢爾之區也其然乎哉客憮然起曰子之言亦誕矣夫貴州者山箐蓊鬱蠻左侏僂自國初以及今茲苗種狃狃時或爲患及大軍四出則草薶而禽獮之矣未聞其爲中國患也且東出辰沅則五溪結

曲爲之限北超巴蜀則重江汗漫爲之防子何言之易也
余曰如客之言所謂知其常而不知其變者也貴州之地
自唐宋以來通于中國者不過什之一二元人始起而疆
理之然大抵同于羈縻異域而未能革其草昧之習也夫
風氣日開則人才亦漸生今中國衣冠固多流寓其間者
且英雄俊偉之士何地不生而謂貴州終于狃獠之俗也
吾不信已彼苗頑者貪殘性生爭奪無厭見利而逐自取
翦屠固其宜也然安邦彥亦不過水西支孽耳一旦披猖
肆惡結烏撒以攻霑益而雲南爲之震動誘諸蠻以襲偏
沅而湖廣爲之奔命帥其黨類圍迫貴陽龍里新添以東
所在焚劫而川粵之師回翔而不敢進其爲患亦劇矣賴

邦彥亦止苗夷故智無深識遠圖耳猶且興五省之眾僅而克之西南半壁驛路殆遍尙謂不能爲中國患乎客又曰誠如子言以水西一族而貴州全力且不能禦之又何有于縱橫天下哉余曰此非貴州之不足恃也用兵者不知其方也王三善督川貴之師當貴陽就圍遂巡塗次自平越至龍里計程僅百三十里耳積四日而後達賊自畏憚解圍引去耳使三善於頓兵平越之時分遣精銳從遵義而進直指大方覆其巢穴賊必潰散扼其要害至則殲之賊可旦夕平矣計不出此使賊展轉出沒逞其恣睢動涉旬時易三大帥

王三善關夢得朱熹元

擾半天下而後底平謂用

兵者猶有人乎哉故曰非貴州之不足恃也客曰然則貴

州誠爲險要之區英雄當從而爭之矣余曰是又不然天下有創起之地焉有根本之地焉創起云者惟此所在不擇地而皆可以有爲者也根本云者得之則興失之則亡當竭智盡能以圖之竭智盡能以保之者也漢高創起于泗上而以南陽爲根本光武創起于南陽而以河北爲根本泗上南陽非無形勢可取而苟無與于天下之要會英雄直以郵傳視之矣項羽戀戀于彭城李密拳拳于鞏洛狼戾無成千古同歎皆不知創起之地非根本之地夫不知創起之地而以根本視之不知根本之地而以創起置之其弊皆足以至于亡客曰貴州之較泗上南陽又何如哉余曰子姑置之矣夫貴州在秦漢之交亦未入版圖彼

二君者亦幸不生其地耳使貴州而爲今日之貴州二君
生于其地而適當亡秦亂新之際二君者其竟以匹夫終
老哉

如泰

沃

男姪

聲有普孫啓

豐校字

裕幹

光

紫峴山人外集卷四

湘潭張九鉞慶西著

從孫 家桢 編次

得瓠軒記

古今涓吉

邢凱坦齋通編云古今涓吉外事用剛日內事用柔日如
甲子爲剛乙丑爲柔甲午治兵壬午大閱吉日庚午旣差
我馬皆外事也故用剛丁丑蒸己丑嘗凡祭之用丁用辛
內事也故用柔然社祭用甲郊以日至亦不拘也後世術
家旣多互相矛盾褚先生云武帝聚會占家問某日可娶
婦乎五行家曰可堪輿家曰不可又有建除繫辰天人太
乙歷家凡七種所言吉凶相半制曰避諸忌以五行爲主

今觀諸歷一日之內有吉有凶當如武帝主一家可也鄭鮮之啓宋武帝明且見蠻人是四廢答曰吾初不擇日此亦可廢見殷芸小說

蠲紙

唐人以漿糲紙使瑩滑名曰蠲紙蠲音圭又作桂唐太宗詩水搖文蠲動言水紋似蠲紙也字彙又音絹

蠶神

爾雅翼蠶神二人苑窳婦人寓民公主今祀之者曰馬頭孃

備字

古無賠字北魏史魏昭成帝立法益官物一備十私物十

備五楊升菴云備音貽義同高歡立法盜私家十備五官物十備三後周治盜官物雖經赦免徵備如法備補償也是貽乃俗字不可入詩文中矣

碑之用

碑之用古有三一爲麗牲之碑禮祭義君牽牲既入廟門麗于碑疏君牽牲入廟門繫著中庭碑是也一爲識日影之碑陳用之曰公食大夫禮庶羞陳於碑池庭實陳於碑外燕聘禮皆云賓自碑內聽命又士昏禮賓入廟門鄉飲酒禮賓入庠門鄉射賓入序門皆有當碑揖則諸侯大夫士之宮皆有碑鄭氏曰宮必有碑所以識日影引陰陽是也一爲引棺之碑檀弓公室視豐碑注豐碑斲大木爲之

形如石碑於棹前後四角樹之穿中於間爲鹿盧下棺以
綽繞釋名云碑蔽也本王莽時所設施其轆轤以繩被其
上以引棺也臣子追述君父之功美以書其上後人因焉
無故建於道陌之頭顯見之處名其文就謂之碑耳徐鉉
曰古宗廟立碑以繫牲耳後人因於其上紀功德又劉熙
言葬時所設者蓋今神道碑是也愚按文內廟碑宜用麗
牲之碑宮室碑宜用測影之碑神道碑宜用引紼之碑嘗
見前輩概用麗牲碑蓋未確考而誤用耳

竹秋蘭秋

一月爲竹秋七月爲蘭秋見廣韻藻

輦郎

漢官名

漢書劉向傳以父德任爲輦郎注引御輦郎出
國朝呼爲黏竿處行走竿御輦長竿

藏驅

荆楚歲時記歲前爲藏驅之戲周處風土記藏驅臘日之
後叟姬各隨其儕爲藏驅分二曹以較勝負辛氏三秦記
以爲鉤弋夫人所起

剛卯

玆該音改哈音大剛卯也以逐精鬼又曰射魃以金玉及桃木
爲之曰佩印也又謂之大堅出說文王莽傳正月剛卯金
刀之利皆不行博謀卿士僉曰去其剛卯莫以爲佩服虔
注剛卯以正月卯日作佩佩長三寸廣一寸四分或用金

或用玉或用桃木四方當中央從穿作孔以采絲葺其底

如冠纓頭綦刻其上面作兩行書文後漢書輿服志佩雙

印長寸二分方六分乘輿諸侯王公列侯以白玉中二千

石以下至四百石皆以黑犀二百石以至私學弟子皆以

象牙上合絲乘輿以滕貫白珠赤罽諸侯王以下以綳

赤絲綦錄作膝絲各如其印質刻書文曰正月剛卯既決杖案

錄作靈受四方赤青白黃四色是當帝令祝融耕錄呂敎夔龍

庶疫剛瘳莫我敢當疾日嚴卯帝令夔化慎爾周伏耕錄

作慎爾化茲靈受既正既直既觚既方庶疫剛瘳莫我敢

當凡六十六字愚按前後漢書言剛卯不及敎改得無遺

漏或敎改另是剛卯別製耶按說文敎本作效集韻音亥

至范史言一寸二分方六分服虔以爲長三寸廣一寸似當從范史爲正

蕞殘

凡穿鑿傳會謂之蕞殘王充論衡蕞殘滿車不成爲道玉屑滿筐不成爲器

年殊

後漢書梁竦傳母氏年殊七十注殊猶過也

殊庭

前漢郊祀志將以望祀蓬萊之屬幾至殊庭注殊庭蓬萊仙人庭也

守歲分歲饋歲別歲

東京夢華錄除夜士庶之家圍鑪圍坐達旦不寐謂之守
歲風上記除夜祭先事竣闔家長幼聚飲祝誦而散謂之
分歲按卽今俗
喫團年飯東坡歲時詩序蜀中值歲晚問遺謂之饋
歲酒食相邀謂之別歲

獻歲

臘之明日曰初歲又始歲曰獻歲

瑤池新集

唐蔡省風集唐世能詩婦人李秀蘭至程長文二十三人
詩什一百五十首各爲小序以冠其前且總爲序其略云
世叔之婦修史屬文皇甫之妻抱忠善隸蘇氏雅於回紇
蘭於宮掖晉紀道韞之妙漢尚文姬之辭况今文明

之盛乎

世綵集

中興藝文志政和中廖剛曾祖母祖母年最高皆及見五世孫剛作堂名世綵以奉之士大夫爲作詩

王杜之誤

晁氏題劉勰文心雕龍之後云世之詞人刻意文藻讀書多滅裂杜牧之以龍星爲真龍王摩詰以去歲爲衛青昔人譏之然亦不足怪蓋詩賦或率爾之過也今勰著書垂世自謂嘗執丹漆器隨仲尼南行其自負亦不淺矣論說篇論語以前經無論字六韜三論後人追題不知書有論道經邦之言也其疏略殊過於王杜矣

家拭案去歲宜作去病

論詩品格

詩品三卷梁記室參軍鍾嶸仲偉所撰上品十一人中品二十九人下品六十九人金鍼詩格唐白居易撰居易自謂與劉禹錫皆以詩知名撮詩之體要爲一格病得鍼而愈詩亦然故曰金鍼集詩格一卷詩中密旨一卷王昌齡撰評詩格唐李嶠撰嶠在昌齡之前而引昌齡詩格八篇亦未然也二南密旨唐賈島撰恐亦依託文苑詩格陳氏云稱曰氏尤非唐僧皎然有詩式五卷詩議一卷唐僧皎然撰以十九字括詩之體風騷指格僧齊己撰句圖一卷唐李洞撰唐詩主客圖唐張爲撰所謂主者白居易盧雲卿李益鮑溶孟郊武元衡各有標目餘有升堂及門入室

之殊皆所謂客也詩派之詩皆出於斯

被除釁浴

周禮女巫掌歲時被除釁浴注以香薰艸藥入之周禮春官肆師釁鬯同義以香塗身也齊語三釁而三浴之亦同

酢

醬醋之醋古人作酢醋吏傳長安語曰甯飲三斗酢不見崔宏度酢字本音昨酬報也儀禮特牲饋食禮祝受尸尸酢主人注今人醋曰酢古今異同相沿不改也

鄉飲酒禮四儺禮三

鄉飲酒禮一則賓賢能二則飲國中賢者三則習射飲酒四則蜡祭飲酒孔疏所云儺禮季春命國儺九門磔壤以

畢春氣仲秋天子乃讎以達秋氣季冬命有司大讎旁磔
出土牛以送寒氣出月令

三字縣名

船司空

漢京兆郡縣

周永休

漢潁川郡縣

高句驪

漢元菟郡縣

邪頭昧

漢樂

浪郡

餘東武陽南平陽上曲陽下曲陽南深澤東平舒下

辨道北新成東安平及剛氏湖陵清道名道邊塞邑也

三字郡名

左馮翊右扶風

按王莽改前光烈後承休

午道

漢世家顧據午道鄭康成一縱一橫爲午又曰交道北史
石虎殺其子宣取灰分置諸門交道中注交道今十字路

也

露檄

晉書甘卓露檄討王敦檄者陳彼之惡說此之德慰勞百姓露者不緘封之以明告中外

杠末

杠音江竿也竿之梢曰末廣韻天子杠高九仞諸侯七仞大夫三仞卽今所謂天燈杆子是也

十具牛

北俗以三牛爲一具以荷一犁十具三十牛也見苻堅語王皮

以囊底智

慕容垂曰吾雖老叩囊底智足以取之按鼂錯號智囊言
發我所存之餘智足以取燕也

解嚴

有戒嚴有解嚴顏師古注云解散兵嚴也

騶虞幡

繪騶虞於幡上卽白虎幡也見晉書及北史

流蘇武帳

武帳上有流蘇之飾

吉祥座

吉祥座杜重威馬名肉胡牀景延廣馬名魏王繼笈伐蜀
王衍苑馬數百繼笈比選得二十匹許有麝重驗錦耳駱

趁日騶偏界玉陷冰踰長命騶孫兒驄籠菰白八百哥掠
地雲錦地龍雪面娘月影口玉尾騶撒沙騶天花洛旋風
曰率地嬌六尺金銜蟬奴等名

芭蕉袴

雨仙

清異錄云余在翰苑以油衣漸故遣吏市新者回云馬行
油作鋪目錄入朝避雨衫芭蕉袴一副二貫又云張崇帥
廣在鎮不法酷於聚斂從者數十人出遇雨雪皆頂蓮花
帽琥珀衫所費油絹不知紀極市人稱曰雨仙

小太清

清異錄臨川上饒之民以新智創作醒骨紗用純絲蕉骨
相撚織夏月衣之輕涼適體陳鳳閣喬始以爲外衫號太

清篲又爲四襖肉衫子呼小太清

闌單帶疊皐衫

諺云闌單帶疊皐衫婦人也覺瘦欽岩闌單被裂狀疊皐
補袖蓋掩之耳婦一作孤

雁櫝

富家出遊運致饌具皆用髹櫝覆以紫碧重簷罩衣兩人
舁之其行列之盛有如雁行旁觀號爲雁櫝

哇宗郎君

歐陽通善書修飾文具其家藏遺物尙多皆就刻名號研
室曰紫方館金菰盛研滴曰金小相鎮紙曰套子龜小連
城千鈞史水瑩鐵眠兒一作千鈞界尺曰由準氏芒筆曰哇宗郎君

夾槽曰半月龍

方便囊

唐季王侯競作方便囊重錦爲之形如今之照袋每出行雜置衣巾篋鑑香藥詞冊頗爲簡快

金頭黃銅小品

針之爲物至微者也問諸女流醫工則詳言利病如吾儒之用筆也朱湯匠氏諳熟麤好四方所推金頭黃銅小品醫工用以砭刺者大三分以製衣小三分以作繡

眉匠

篋誠瑣縷物也然丈夫整鬢婦女作眉捨此無以代之余名之曰鬢師眉匠

廬州大中正

焚香賴匙匕室既密鑪既深非運匕治灰則淺深峻緩將焉托哉匕之爲功審矣命之曰廬州大中正

治書奴

裁刀治書之參差不齊者在筆墨硯紙閒蓋似奴隸職也卻似大有功於書

鐵了事

杜岐公惛以剋耳匙子爲鐵了事見惛敗藥

禡祭

禡祭之禮爾雅疏以爲造兵爲軍法者立表以祀之禮記疏亦然考漢高祖祭蚩尤之祀于長安爲祭蚩尤之始以

牡荆畫幡日月北斗登龍以象太乙三星爲太乙旗爲
兵禱則太史奉以指所伐之國是爲祭旗神之始是以太
乙爲旗神也晉顧愷之祭牙文云告黃帝蚩尤五兵之靈
是祭黃帝蚩尤五兵也隋唐書則專以軒轅子所祭之神
太學衍義補云唐節度使賜雙旌雙節立六纛入境築節
樓迎以鼓角宋有六纛旌節門旗受賜藏之公府私室號
節堂朔望次日祭之號衍日蓋有旌節則有神祀邱濬云
後世六纛之名與祀始見於此陳子昂有禱牙文柳宗元
有祭纛文則分蚩尤與禱牙爲二矣宋世有祭蚩尤者有
不祭蚩尤者明洪武元年始立旗纛廟題主曰軍牙之神
六纛之神明季氏本云黃帝聖人蚩尤敢與拒戰逆臣也

當以祭黃帝爲是隋唐皆專祭黃帝可謂得祀典之正考
禡祭有三出征而禡一也田獵而禡二也無軍而禡三也
今之立旗纛廟蓋無事而禡也至唐宋賜節度旌節六纛
祀于節堂則今之督撫祀旗牌卽此意位西是分旗
纛爲二神

男 如泰 沃
聲 有普孫啓 豐 蛟字

姪 裕幹 元

紫峴山人外集卷五

湘潭張九鉞度西著

從孫家弼編次

字音考異錄

拭案是書疑有脫簡原本卷首有外國二字都麗以下盡屬郡縣末兼地名姓氏則

另有標題可知疑原本分類紀載此其初槩也梓存以俟博者

龜茲

音鳩慈西域國名龜又音邱

烏秣

音鴉茶西域國名又云音鴉拏

罕开

音罕牽西域國名又天水郡縣名

月氏

氏音支西域國名

大宛

宛音駕西域國名

身毒

音捐篤又音乾竺二字聲轉即天竺西域國名

車師

車音姑西域國名

康居

居音渠西域國名

契丹

契音乞北狄國名

吐谷渾

吐谷音突浴渾平聲吐蕃國名

朝鮮

音招仙東方國名漢屬樂浪郡縣名

高麗

麗音驪亦作高驪亦稱高句驪句音俱卽朝鮮漢爲元菟郡縣名

昆邪

昆下門反邪音牙西域國名

允吾

音鉛牙金城郡地名

越巂

巂音髓西南國名又郡名

先零

音銑憐西域國名

且末

且音了餘反西域國名

桃槐

槐音回西域國名

鉤町

音劬挺西南夷名又作句町音俱又牂牁郡縣名

同頓

音墨特匈奴頭曼之子名

可汗

音楷寒匈奴國王號

闕氏

音焉支匈奴王后號

休屠

音朽儲匈奴王者號

谷蠡

音鹿犁匈奴左右官名與賢王等

呼衍

衍音延匈奴大臣氏

居次

次音慈單于女號漢之公主

都龐

音多龍九真郡縣名

朱提

提音時西南地名犍爲郡縣名

盤屋

音周支又音輞質右馮翊縣名

隆慮

音林間河內郡縣名

取慮

音趣間臨淮郡縣名

且慮

音苴間遼西郡縣名

昌慮

音間海東地名

無慮

音間遼東郡縣名卽醫巫閭

邪谷

邪音耶漢中郡地名

鮦陽

鮦音紂汝陽郡縣名

枹罕

音夫謙金城郡縣名

緱氏

緱音溝河南郡縣名

陵亭

陵音遲丹陽地名

曲逆

音去遇中山郡縣名

慮虎

音盧遺太原郡縣名

平谷

谷音裕幽州地名

余吾

余音徐又音斜朔方地名

屯留

屯音純上黨郡縣名

句注

句音俱代州塞名以史記作勾注今遂音鈎

烏氏

氏音支安定郡縣名

令居

令音連金城郡縣名

标氏

音拳精代郡縣名

櫟陽

櫟音藥馮翊郡縣名

蓮勺

音輦酌左馮翊縣名

祓祢

祓音帶又丁活反祢音羽左馮翊縣名

隃

隃音踰右扶風縣名

獲人

獲音渠又山寡反太原郡縣名

長子

上黨郡縣名顏師古云長讀長短之長今讀長切之

沙羨

羨音夷江夏郡縣名

方與

音房豫山陽郡縣名

冤句

句音劬濟陰縣名

沘猶

沘音求臨淮地名

堵陽

堵音者南陽縣名

橐皋

音拓姑九江縣名

餘汗

汗音干豫章縣名

蘇示

示讀作祗越舊縣名

卑水

卑音班越舊縣名

賁古

賁音奔益州縣名

且蘭

且讀苴益州郡名

浩亶

音合門金城郡名

允街

允音鎔金城縣名

撲剌

字音蒲環武威縣名

昫衍

昫音煦衍香干反北地縣名

略畔道

略畔音洛盤北地縣名

且如

字音居姑代郡縣名

令支

音鈴祇遼西縣名

荏平

荏音遲泰山郡縣名

句陽

句音鉤濟陰縣名

秣

音妒濟陽縣名

卽裴

裴音非魏郡縣名

閿鄉

閿音文陝州縣名

襄賁

賁音肥東海縣名

郿鄉

郿音魚東海郡縣名

孱陵

孱音殘又音前武陵郡縣名

縣虎

虎音斯蜀郡縣名

牛鞞

鞞音比健爲郡縣名

葭明

明音萌廣漢郡縣名

槃得

槃音鹿張掖郡縣名

駒卷

音句齒安定縣名

祖厲

屬音賴安定郡縣名

沮陽

沮音阻上谷郡縣名

遼隊

隊音遂遼東郡縣名

番汗

音盤寒遼西郡縣名

番禺

音潘愚南海郡縣名

羸樓

音蓮受交趾郡縣名

麓泠

音麋零又音螟蛉交趾郡縣名

下雋

雋音淺長沙郡縣名

黏蟬

蟬音提樂浪郡縣名

捐次

捐同胥音次音咨武威郡縣名

不其

其音基瑯琊郡縣名

驪軒

音遲虔張掖郡縣名

曰勒

音鐸索張掖郡縣名

訐邯

音男酺樂浪郡縣名

收靡

靡音麻益州郡縣名

莫黜

音叨怛五原郡縣名

樂浪

音洛浪幽州郡名

揭陽

揭音竭南海郡縣名

中畱

畱音溜鬱林郡縣名

荔浦

師古曰荔音肆

西卷

音卷又音權日南郡縣名

郿 音媚右扶風縣名

陽夏 夏音賈淮陽郡縣名

蕃 音皮口口郡縣名師古云又有云陳蕃之子爲魯口口相國人改曰皮此說非也郡縣之名土俗各有別稱不必皆依

本字

脩 音條信都郡縣名

瓠 卽執字北海侯國

鄔 去聲於據反太原郡縣名

平輿 輿音豫汝南郡縣名

雒 孟康音句無師古音上谷郡縣名

甸氏道 甸音賸廣漢郡縣名

虢 虢音斯晉宮名

語兒

語或仁集皆去聲越中地名即今秀水縣錢唐棧終古斬徇北將軍為語兒侯出前漢閩粵王傳

下廊

廊音第

縣度

縣音懸以繩度水也西域地名岩名谿不通所以繩索相引而度云

盧雍

盧音雷二水名前漢地理志雍奴漁陽郡縣名水經注四方有水曰雍又奴盧縣有黑水故池水黑曰盧

不流曰奴

山山

音偶右宜與縣漢有山亭侯即其地

番和

番音盤張掖郡縣名

犀奚

犀音題漁陽郡縣名

慎陽

慎音真原名慎陽亦音真汝南郡縣名

龍亢

亢音周沛郡縣名

鄧沛

沛郡縣名應劭曰音陟師古曰此縣本為鄧音是也古以來借鄧字為之丘讀皆為鄧而王莽河為贊則

此字亦

有贊音

鄆

音各常山郡縣名光武卽位更名高邑無各音

脩市

脩音條渤海郡縣名

琅槐

槐音回千乘郡縣名

零段

零音吁段音假瑯琳郡縣名

計斤

瑯琳郡縣名卽左氏傳所云介根也師古曰語音有輕重

廊

音敷左馮翊縣名

棗

讀與后稷所封邰同音胎右扶風縣名

万俟

醜奴虜複姓二字音墨其

如泰

沃

男

聲

有

普

孫

啓

裕

幹

一

紫峴山人外集卷六

湘潭張九鉞度西著

從孫家斌編次

花農雜著

重修潭邑

文廟勸捐文

代

方今

聖天子崇儒重道興學右文特遵古制新建辟雍
頒內府彝器陳於大成殿復

諭直省廟學令地方官隨時修葺而遐疆遠徼靡不創立
學宮所以明人倫厚民俗計至詳且廣凡承流宣化者宜
何如鼓舞而振興之也湘潭山巒隱秀土厚水深科第蟬
聯甲於南楚

國朝百餘年來，廟學之修，凡五茲。又將四十載，周墉彫削，丹堊黝昧。且崇聖祠，制度卑狹，非大加崇高爲

聖殿，壯屏藩，雄氣勢，而櫺星門亦大不稱觀瞻。至作文筆之高峯，塏鎖水口之文昌閣，昔所以鞏衛黌序，環抱地脈者，皆風雨震搖，日就損壞，倘不及時修葺，勢必剝落欹斜。所關匪細。余承乏茲邑，謁廟之始，周循俯仰，惕然靡容。集衆紳士於庭，謀所以新之。僉曰：諾。適逢大中丞姜公秉節楚南，以興學立教爲首務，檄修郡學。十二郡士民旣踴躍從事矣。余謁見時，亦以修邑學爲請。中丞公霽乎有容，曰：潭邑名區也，興學鉅典也，樂捐厚俗也，其速爲之毋怠。余歸，慫慂其事。衆紳士咸趨赴，恐後。惟是三處工程浩大，需

費殷繁非苟且補苴所能了事必藉閭邑士民之力眾擎
易舉始可不日成之爰爲捐金首倡設立城鄉緣簿擇正
直謹愿首事妥爲勸捐余觀潭邑人多好善重施予凡浮
屠老子之宮皆不吝醵金以飾之矧茲廟學重修於文運
民風裨益尤爲重大非尋常營建可比知邑之君子沐浴
壽考作人之雅化仰體昌明儒術之至意定然聞風興起
扶義雲趨傾囊樂飲速藏盛典卽貿易茲邑者念塏閣新
修山川鞏固毓秀儲華爲聚材之淵藪年穀順成百貨流
通咸由於此亦必慷慨樂捐力襄英舉不日鳩工庀材事
歸實用尅期告成分別紀名垂芳百世修廟之後行將文
運維新昌期羣應營纓赫奕品物豐亨余於此有深幸焉

抑有厚望焉

文廟告文

大哉

至聖赫矣。賢宮氣運主持。儒林瞻仰。湘邑廟制甲戌重修。歲月因循。風霜摧剝。大懼弗蠲。弗潔。有裴明禪。邑令李華。黼銳志倡修。衆情踴躍。自大殿後祠門牆庭廡。咸與維新。諏吉於八月十四日。興工敬請。

至聖神位及五王四配十哲神位。暫安書院講堂。以便工作。伏冀。

聖靈默佑。早歲鉅工。俟廟貌重新。恭迎復位。以崇妥侑。以迓嘉祥。謹告。

至聖入廟祭文

於昭

聖廟天地維持禮樂之宗教化之基茲焉鼎新煥乎在昔
實實枚枚有嚴有翼堅其藹宇規其城平旣峻後祠旣壯
前榮宮牆庭廡塗墍丹雘簠簋几筵執事有恪迺崇文壇
擢立巽方迺營萬樓輦抱陰陽不震我民弗侈於費擇可
而勞仰遵

聖意守臣願愜多士歡騰時日不稽迺觀厥成牲帛酒醴
式陳明薦敢云備物

聖靈是奠壺山之精湘水之英宏開景運高燭文明誰爲
來者弗怠其始維

聖式憑昭格億祀

新崇聖祠安五王位告文

洪維

崇聖專祀創典始自

國朝追封之徽冊加隆水木之本源用報湘邑後祠經始
草率卑窪湫隘簡陋因循弗稱觀瞻曷由保享邑令詢謀
於眾拓舊鼎新制高三丈有奇工以八旬而竣雕甍麗日
藻井連雲廊廡周環圀墀層疊宏深肅穆聿輝俎豆之光
昭朗高明克壯屏藩之勢虔諏嘉平吉日恭請

神位入祠牲醴備陳禮儀卒獲

神其爰居爰處來格來歆發揚相猷之華自今伊始永饗

馨香之報振古于茲用慰今土之忱大啓文明之瑞

文昌帝君告文

嘉慶丙辰仲春月丁丑越廿日己卯

伏惟

帝君篋載六星府備五色北斗貴星兼將相柄執魁杓中
樞瑞曜朗璇璣職司祿命考其德行道藝以爲科第階梯
錫厥富貴榮華長作儒林藻鑑實萬禎文章之主宰亦九
州爵賞之提衡茲當

聖壽嘉辰正值

新皇踐祚壺山湘水氣蔚如珠黼座芝旗彩騰若錦闕門
額俊矯首天衢啓秀摘華追蹤雲路用敢肅將蘋藻虔布
几筵仰講院之神栖冀文輯之陟降懸我眉玉鏡書來千

佛名經點天府朱衣寫入三秋桂籍光芒萬丈直透九霄
蹀躞連鑣追隨羣驥繄我髦士齊歌棫樸之詩覩乎人文
並受王明之福

重修金甲神君祭文

嘉慶丁巳孟秋

伏惟

帝君藝苑提衡士林降祿肇科名之新錫盛比桂香占泰
運于連茹瑞開杏籍製者仰符文柄已移魁宿前星繼而
敬考化書應補神君侍側用是虔雕檀梓加飾丹青裁金
甲之巍駁對朱衣之顯赫茲諏孟秋朔吉謹奉尊像入龍
列供器於几筵奏霓裳於殿陛台衡八座斗草恰運中央
華采一堂佳氣遙聯太乙佇降文章之福益增鉛槧之光

敬迓洪庥不勝惶恐

萬樓上梁文

伏以雲斤月斧工師首重夫修梁桂殿蘭宮體制特尊於
負棟西京入賦句豔雄虹東坡作文莊傳白鶴矧茲萬樓
傑制獨踞晴霄萃衆構之崢嶸恃一梁爲統領鎮山環水
滙之地赫矣居中應軫車星鳥之光巋然在上用是潔蠶
吉日虔率僚紳仰大木之超陞照紫微之赫奕重欒競擇
非同靈鵲銜來六斗交承儼有玉龍抱下晴開鳬渚風靜
鷗莎攀橈誇雥爾之能拋果羨兒郎之偉用成美讚迺迓
庥祥兒郎偉拋梁東萬丈扶桑挂日紅江山四面平如
鏡仰看青天架彩虹兒郎偉拋梁西錦石龍嵒對馬蹄

地剗風災都退盡。樓牙高與五雲齊。兒郎偉。拋梁南。衡
嶽當前吐秀嵐。自有神靈扶棟宇。千秋長鎮此江潭。兒
郎偉。拋梁北。五色奎光輝斗極。此中兼有上天梯。八座文
昌書桂籍。兒郎偉。拋梁上。指顧風雲氣騰壯。山川關鍵
發精靈。報

國文章出會狀。兒郎偉。拋梁下。繡舶錦帆馳萬馬。自崇
形勢兆豐亨。非侈游觀營大廈。伏願上梁之後。天規地
矩。嶽峙川渟。鳳翥鸞翔。珠含玉孕。人文蔚起。既科第之聯
綿。景運宏開。亦簪纓之焜耀。商車輻輳。百貨流通。倉廩豐
盈。兆民鼓舞。謹告

祇告湘邑山川神祇文

伏惟萬樓眾捐鼎建會於士臘虔告興工茲已梓匠斤揮
珍材櫛比基塼鞏固碯岸包羅體制新營規模大備諏吉
季春二日爰標傑閣三層樹蘭柱之巍峨立芝栴之嶄巖
矩成規錯維正隅方既結棋以承櫨亦鉤心而闢角鋤等
據坤靈之寶勢奠紫府之威神用是潔治蘋蘩祓通勝饗
伏冀星文朗耀帝釋馮依協厥陰陽扶其棟宇象神山之
躡峙雲日呈祥比阿閣之騫騰般倕奏巧工歸實用勢在
速成敢告

良鄉縣合祀境內神祇禱雨文

代

竊惟蓄極而通上天無不降之澤時不可失下民當孔棘
之危使鬼神有聞若罔聞非邑令之責而誰責反躬跼蹐

撫志張皇伏惟諸神大德曰生至誠無息聰明正直而壹
所寶惟民出雲興雨曰靈各司其職茲者炎熇降虐妖魃
司權來牟皆已無成烏麥尙堪播種陟彼南畝嗟哉赤地
之焚自我西郊悵矣密雲之約某心殷環艾氣鬱積薪泥
牛之術已窮望暢之歌空過或蘋蘩不潔有玷齋壇或圭
璧非虔難通冥漠吏爲不德罰止及身民則何知義無遷
怒用敢洗心滌慮懸膽披肝大築新壇恭迎各主彼聖廷
議罰尙曰宥之三縱嘉種愆期尙可用其一願和衷以共
濟甦民命於將頽飛三藏之鉢雲灑藥師之瓶水騰空黑
蜮捲東海以飛來破石磬龍衝西山而直下使大田多稼
競吐枯塍涸轍無悲龍雨降井事急矣請邀福於一夕終

萬里之勿延禍於羣黎百姓

代江西吳中丞

紹詩 禱雨文

竊惟雨暘時若聿彰調燮之功稼穡順成端藉休徵之應
惟二氣之調和不爽斯偏隅之惠澤均霑念江西一省雖
襟江帶湖之地實依山負谷之區自連秋潦洞爲災頗遭
昏墊賴今歲豐亨有兆始免饑虞比崇固待於西成勤動
先資於東作方期陽春布澤快覩好雨知時何當烈日如
焚漸致水泉將涸早禾未播莫覩菁葱二麥漸乾幾憂黃
落卽此萬家井竈將同涸轍之悲况今千里舳艫更待利
川之濟

紹詩

自維涼薄忝任封圻慚感召之未能懼災禱

之屢見虔申椒桂敬臨壇壝倘降罰難寬竊願躬膺其譴

責縱下民有罪。惟求仁恕于天心。伏冀陰翊
皇猷。大彰法力。濃雲密布。甘澍宏施。盈溝澮于崇朝。發土
膏于三日。郊塍徧洒。農民悉荷。囊糾笠而來。灘石皆平。漕
艘亦鼓棹揚帆而進。敢忘報賽。莫罄丹忱。

郴州祀寶山文代

惟神作鎮一方。惟金三品。脈連大湊。包樸石以爭雄。勢聳
騎田。鬱煙雲而耀彩。助司農之鼓鑄。鏈錫同穀。資商賈以
流通。車牛競集。茲者春和始布。二作宜興。將搜巖壑之精
華。以濟民生之日用。謹諏吉日。親詣寶山。恭進蘋蘩。肅將
牲醴。鉦人伐鼓。振起離明。樂伎吹笙。和平神聽。伏冀宏開
寶藏。廣給鑿椎。天必有驗於人。貨惟不棄于地。椿夫壠長。

魚貫而前治卒煎丁鬼趨以進無霖無潦輦光燄於洪爐
不震不崩裕泉刀於天府竭誠知感識氣非貪

潮州大水崇門文

水歸其壑大海在南郡逼於江金山之下忽積霖之肆虐
致巨漲之遭罹民如懸兮萬家城不沒者三版事孔棘矣
憂如之何惟韓江之神水德靈長明禋歲舉安瀾自昔降
割匪今憫降洞之驟乘土將產暵駭懷襄之漸甚吾其爲
魚縱教負土填門不過權宜之計若論投圭沉璧恐無希
世之珍用敢布堞設壇燎香伐鼓望洋驚歎伏地囑吁各
棄冠裳誓與城防立殉盡拋羊豕務令水鬼飽餐伏冀神
力拯危天心悔禍疏文河之血脈開急口之咽喉由地中

行來天上落，斂怒沙爲繡。綺挂鼉鼉蛟蜃之威，出碣岸於晴原。迴黍稷稻粱之色，庶豐報饗以答慈恩。甲午仲夏，余以爲誠，余得神書，設壇祭焉，適夕水退，民

高密單觀察請祀鄉賢公呈代

竊惟盛世褒賢之典，重祔祀於春秋。鴻儒顯後之名，本肇基於忠孝。蓋棺論定，秉彝有同好之心。祭祀禮優，令問著長垂之範。如已故單青俠觀察者，系出南陽族，高東海生名宦鄉賢之後。世有達人，以立身行己爲先，學原經術，文壇奪職崇士。望於斗山，藥榜蜚英，揚才華於畿縣，履鄉社而農桑勸課。地盡膏腴，穡休甲而條欵周詳。法皆遵守，晉寧康於良邑。政肅惠文，察端節於愛善。獄開盆覆，分符京

兆

御屏錄厥姓名。出守洺州。輔旬勞其牧。歷軍興儲。侍絲室。不擾閭閻。災歉親查賑卹。無遺窮戶。卻生祠之建。爭溢口碑。捐文廟之修。更培講院。泊褰帷於瑛部。慈威歡遍。苗獠旋討。罪於峒巢。感愧立平。桀驁禁吏。胥之滋害。歷官摘伏。摧奸聽士。庶之謳歌。到處攀轅。臥轍三千里。清風滿袖。歸裝典質爲空。二十年白雪盟心。亮節始終如一。此皆聲流寰宇。績達

彤廷者也。若夫純孝性成。懿修質粹。扶母喪於滇海。血染麻衣。侍色養於椿堂。手調湯藥。友于式好。嚴師訓誨。兼優睦任。周貧衰髦。終身是倚。祭田備置。訓族姓以奮興。弱廢

首輪傾箱匣爲倡率作詩謝饋餽瓢而志操不渝引疾歸
田卒牘亦公門屏絕風流宏獎藝林奉景星慶雲月旦廣
孚鄉國仰祥麟威鳳湖謀猷于中外悉本至誠核品誼于
始終信稱全德某等學遵矩矱居近里閭傳宦地之仁聲
言行相副述閭史之芳躅聞見尤真洵爲昭代碩儒無愧
讀書種子垂諸坊表固堪繼美於前綴薦以几筵斯足儀
型於後進伏懇本學師俯鑒輿情詳請題達得附警宗秩
祀用彰文獻光輝庶生無遺憾一方頌有道之型歿有餘
榮千載饗苾芬之澤

重修潭邑育嬰堂碑記

代

國家育嬰堂之設始於京師義舉

詔令天下遵行。蓋卽周官大司徒六保息首慈幼與月令
養少存孤之政。至與母與鰥。又兼採越語及禮書用之。規
制詳備。可行諸萬世。無弊。潭邑堂之設。自雍正八年奉檄
始。其時僦改預備倉。卑狹不稱。乾隆二十八九年間。邑侯
諸城劉公三原楊公捐俸首倡。眾紳協助。盛舉遷於南街
黎家巷。堂宇略備。以居乳婦。然田產既薄。經費日絀。久益
懈弛。老屋十數間。半爲民居。且侈壞。乳婦散歸家哺養。無
所稽察。其弊不可勝言。夫以茲堂初設時。荷

聖天子旌賞勸勵。殷摯悱惻。使遍及遐陬。垂爲令甲。而奉
行不力。有名無實。長靡翼轂之慈。不救天札棄溺之患。詎
非倡導經理者責歟。余下車之初。見夫政將墜。慌惕於懷。

迺遴邑紳葛于郊朱煥南等急籌修復首鑄俸五十金爲倡諸君踴躍從事而以疏募助之一時扶義雲趨捐有成數諏吉鳩工堂之失者復之壞者新之多收孤嫠令乳婦入堂哺養稽其勤惰卹其饑寒慎其煦嫗不數月而啞啞呱呱之聲充溢堂宇氣象日新成立必眾是舉也賴首事諸君實心經畫之力余藉以仰答

盛世誠求保赤之心爲潭邑導迎善氣有厚幸焉爰爲文勒諸石以彰諸君之功於不朽且爲後來好義君子踵而大之者勸也

澧州勸建育嬰堂疏

代

周禮大司徒以保息養萬民首曰慈幼鄭司農注云慈三

人公與之母二人公與之餽月令仲春養幼少存諸孤
人以少懷爲志後世育嬰之政權輿於此焉我

國家深仁厚澤休養生息百餘年戶口滋蕃超越歷代

聖天子寶算綿長鴻慈埏埴含生遂長煦嫗八荒復

命直省郡縣各置育嬰堂收民之不能鞠育者潔居室擇

乳母贍餼米所以廣保息者詳且備矣固守土者所當奉

行罔替矣澧州育嬰堂志載在南門城內玉林亭前余蒞

治之初卽詢其地聞二十年來坍塌無存心殊卹然欲重

建爲保赤計會新創澧州書院興學崇文典鉅工浩凡三

易歲籥而成未暇謀及此也今春書院蒞事益思仰體

聖代覆育羣生之德意收養嬰赤爲一州迎禧迓福參軍

襄平盧君與余同志既各鎬廉首倡而事屬鼎新鳩工庀材所費不貲端賴眾擎易舉用是公善於人慎遴老成首事設簿勸捐凡仁心爲質者聞風興起各助善緣早成美舉俾長魔翼轂之儲哺澤飫膏滋養太平仁壽之宇由是和氣薰蒸陰陽無忒士則科第聯翩農則年穀順成商賈則日新月盛而且子孫蕃衍五鳳八龍之瑞輻輳以應昌期是猶余之厚望也夫

萬樓續發捐簿疏

代

蓋聞鉅工恆重於圖成赴義必期夫集事况一方形勢統宗體關重大非侈游觀祈福佑者比尤當輸誠銳志共觀厥成勿至功虧一簣也湘邑萬樓關鍵山川綱維地脈賢

宮藉作屏藩。文埕對標乾巽。昔賢締造。良費苦心。以故科第聯綿。簪纓赫奕。泉貨豐亨。冠於南楚。而數十年來。風雨侵凌。與文廟文埕。皆日就傾欹。去秋前邑侯允闔。邑紳士重修之請。設捐簿。開公局。城鄉樂勸。濟濟而來。旣擇公正首事。董其役。工歸實用。廟與埕業經次第落成。萬樓雖已興造。而規制崇隆。工程浩大。經費不敷。未能尅期竣事。其與觀音閣左右配輔之財神殿。尙艱經始。弗稱觀瞻。余自朗州來省。卽聞邑有此盛舉。及攝邑篆下車之始。首事諸君。公呈籲請。籌畫圖成。緝查捐簿。收數各都。尙有未領簿者。有已書簿而未繳者。觀望之情。固所不免。爰親躡巔。周覽城郭山川大勢。精神聯絡。全係茲樓。軒爽之餘。彌

深悚惕此而不爲趨促千秋傑構曷能卽底於成昔人云
成功之艱倍於謀始際此工殷費匱之秋固闔邑未捐紳
商所宜同心合力以藏大功而提唱振興之余亦不容辭
其責也用是詢謀於衆再發捐簿擇誠懇首事廣爲懇
勸捐庶衆擎易舉克襄盛典所望邑之聞風嚮義者體余
心爲己心知樓之切於一邑命脈工之不可阻于垂成遠
近不遺踴躍襄助卽日送交公局使木石攢羅工倕奮勇
棟宇輝煌神靈栖止以彰

聖朝太平禮義之教匪特芳名泐石永垂不朽而自邑三
大舉合成全璧之後川原融結風氣轉移人傑地靈儲
擢秀萬之盈數必更昌而大之使余亦得藉手以報

湘水之英靈是所旦夕引領者爾

明遠樓唱和詩序

乾隆癸酉賓興之歲

天子念中丞封疆任劇特命三塲畢出闡視事而以藩使
入代監臨余因得與同寅提調糧儲董公監試觀察陳公
朝夕共事陳臬沈公亦以外監試入而相聚維時秋高氣
爽明遠樓曠朗聳麗數偕諸公攜酒榼登焉星沙羣山環
拱西控雲麓南極妙高東北連智度羅洋諸峯綿亘縹緲
而樓適當其中凭檻而望瀟湘千頃雲樹萬疊皆浮於几
席之上俯仰樂甚發爲詩歌迭唱以和半月中文墨香酒汁
未嘗不與江山相吞吐也座將闌觀察陳公舉觴而言曰

朋友之聚散有時而古人於其聚也觴咏流連必載筆以傳其樂使後世想見其同聲同氣笑言晤對之雅昌黎荆潭永叔禮部唱和詩序是也今日之事當以屬公余通籍以來視學蜀中典試八閩屢忝文衡今又適膺鉅典之始有榮施焉且中丞與諸公體

上德意三場畢舉亦既弊絕風清矣當此朱衣靜點之時得隨諸公嘯咏江山消守棘之餘閒以涵煦

國家文治昇平之盛可不謂至樂者與且沈公與余先後監司西粵董公同官斯土者數載陳公尤以梓蔭屢相締合又與余兄同官豫章則今日遇合之巧蓋有天幸存焉吳日登斯樓者追維佳話更踵事增華咏歌相續參軍龍

山之文可以不補其爲幸更何如耶既爲諸公珍而惜之
又私以慶余之遭也安敢以不文辭沈公諱世楓浙江德
清人董公諱思恭山東壽光人陳公諱浩貴州安平人序
其事以書於額者天津周人驥也時九月某日

永寧縣志序

永寧之有志聞自明中葉始久灰兵燹

國朝順治年間會重修亦湮沒無存今之志迺乾隆十二
年邑令單君履咸所修踵康熙三十一年佟君賦偉稿本
而約略增之者也微特援引失實例類紛淆紀載疏漏無
以上應石渠虎觀之采擇而四十餘年來

聖朝政治之隆令甲之盛孝義節烈之彬彬日起倘不爲

續輯其何以昭茲來許。余承乏是邑。惕然於文獻之將湮也。不揣固陋。思網羅散佚。勒爲一書。請諸前郡伯。今陞糧鹽觀察劉公。謀所以新之。邑薦紳士民亦僉謂此志爲不完之本。亟宜搜補。踴躍襄事。顧余學殖荒落。準格茫然。無能爲役。忝逢郡伯吳郡鶴坪張公。來尹東都。下車伊始。卽以興禮樂。振風雅爲己任。詢及志事。授余以潼川府志。安岳縣志。爲公在蜀中手纂者。余受而讀之。以土地人民政事三大綱爲提挈。本子輿氏之言。天造地設。規模正大。義蘊宏深。而各目以類相從。例不紊亂。較對山武功志。體更謹嚴。有法由是耳目一新。得所依據。爰發篋衍所藏史傳諸書。拾殘穿蝨。并搜羣書。以補所未及者。敘沿革之終

紅河山川之脈絡豐古蹟之証据補官師選舉之臆願詳
聖以一政令備清池以興水利得采孝義節烈以爲風
化陶淬必本諸正吏必協諸輿論間附以辯論不敢爲躋
駁而荒僻俚事刪之恆嚴凡四閱月而蕝事較舊志增什
之七八焉書曰不由古訓于何其訓又曰非言之艱而行
之艱余膺百里重寄惴惴焉恆懼覆餗今卽以志爲政之
考鏡於山川險隘益思所以防禦於前賢治行益思所以
側倣於芳行淑德益思所以鼓勵是豈特求語言文字之
雅馴乎哉將自策自勵藉是以報上憲屬望之心并爲後
來官師導夫先路余之私幸何如也爰書其顛末以授梓
人

偃師縣志序

甲辰秋余奉

命出典河南郡下車後屬邑例呈志乘得知是邑山川賦役風俗人物獨偃師缺如詢其故則康熙年間王澤長志久經散佚卽乾隆十一年朱續志所修本爲洛水衝城板片飄沒殆盡今又四十餘年矣急思檄令修葺旋以河工賑務馳驅倥傯者歲餘未遑也乙巳南皮湯君題補是邑相與謀新之惜王志不可得大中丞秋帆畢公其先世在唐時爲偃師人忠義公邱壠鬱然守戶者猶數十家丙午閱兵東都便道修謁語余云朱志荒謬殊甚卽如王志載余家祀鬻宮者九人朱志刪之僅存其一其他疵漏可知

修葺之舉不可緩因以其事屬之毘陵孫淵如太史湯君亦自民間搜求得王志本雖多殘缺前事略備迺召邑之薦紳開館集事會太史贊筆

承明自都門以所撰地理山川陵廟諸志寄考據詳核得未曾有更勸湯君援古証今悉心搜討刪朱志之庸鄙補王志之簡脫凡六閱月始成完書焉夫志者一邑之書而非一人一家之書也考其險隘則思所以守禦稽其登耗則思所以撫字察其淳漓則思所以激勸而忠孝節義其裨益政治者尤大我

聖朝

聖相承教化涵濡百餘年風俗日臻上理近如偃師故縣
鎮民任氏九世同居復見唐壽良宋江州盛事而楊氏弱
女子守禮禦暴斷頭截指以殉視封邱之樹臺祥符之斷
臂其烈又過之焉筆墨閒猶凜凜有生氣也書曰彰善癉
惡樹之風聲論語曰舉善而教不能則勸其權在長吏轉
移最捷而志乘尤共表率余安敢不求所以輯之本年二
月書既竣湯君請序於余因卽淵如太史所以爲湯君前
導者以勸後來藉以勗中丞屬望之殷其忻幸爲何如耶

鞏縣志序

余嘗謂文章與政治相表裏而志乘尤爲政之書俗吏動
以簿書鞅掌爲辭未能徵文考獻故其政僅刀筆筐篋之

務而不知體要。乾隆甲辰，由戶部尚書郎奉

命出守東都。公餘繙十邑所呈志乘，皆在乙丑丙寅閒。迄今且四十餘年。

聖朝德政之隆，人才之盛，風化之醇，日增於昔。急宜補輯以昭茲來許。况輦舊志尤紕繆，體例則淆亂無章。證據則牽援失當，混河濟伊洛爲輦水，強孟郊盧仝爲輦人。俚諺雜陳，諛美過當，不勝指摘。遭逢右文之世，蓬觀石渠，廣蒐掌故，倘仍其固陋，何以上應乎採擇？用是瞿然於心，勸令補輯。越三年，登封偃師志次第告成，而輦兩易其令。適濱南李君_武來，濟河役畢，以修志請。余愆愚成之，迺與邑薦紳謀，僉愉快集事。延湘潭張紫峴先生主筆，諸薦紳各以

採訪事實上孫孝廉枝榮考古尤有據於是取舊志鉏其
荒顛補其缺漏正其譌舛本正史及水經注而發明之事
則徵信語則雅馴四十餘年文獻朗若列眉儼爲輦志創
始之書焉是舉也與余文章政治相表裏之說脗合後人
觀之者有所憑以爲振作續之者有所遵以爲編次更無
事廣稽遠引之勞李君之有功茲邑者非淺鮮也且輦爲
子華子挺生之鄉淵源遞衍名臣文彥代有其人自茲志
修後諸薦紳各規撫前哲以訓子弟尹司農蔡侍郎之輩
接踵而起以仰副

聖天子壽考作人之化其砥行厲節者得廁名貞珉之末
轉相則倣媲美二南豈非余守斯土者所殷殷屬望也與

稿成適余蒙

恩晉河南糧鹽觀察李君以序請喜而弁諸簡端將以爲中州畱心文章政治者勗焉乾隆己酉蘭秋大梁官署

代邑令李公擬修族譜序

嘗讀蘇氏族譜亭記愛其文以爲先王敬宗收族化民成俗之方咸在乎此用意深立法嚴使人展轉紬繹忠孝之心躍然可不謂後世作譜之法與余家先世系出金陵遭時亂離譜牒散佚自明季曾祖贈公任貴陽指揮殉城捐軀曾祖妣汪太夫人攜祖贈公開關戎馬避難水西始占籍黔西州余父贈公荷

國恩通籍余兄弟先後効職子孫各以文章自顯式衍且

蕃遂爲黔一大鄉聚而譜系未聯無以敬宗收族余兄恭勤公以大司馬予告恐其久而散佚與余商修譜以聯之既仙遊瞿然獨肩其任迺奉指揮公爲始遷祖本大傳別子爲祖之義定得姓之根源其下分支衍派凡爵秩之崇卑墳墓之阡原宗庶之繼嗣妻妾之外氏莫不詳書如海之先河網之有綱秩然不紊昔太白先生云我李白萬葉柯條被中州我黔西一族與宅既遲書閭未久亦如蘇氏族譜記內所稱族之猶有服者不過百餘人然無繁引妄附之失亦猶周小史奠世系之深心微旨也事既釅爰聚族子姓觴之於庭揚觶曰當汪太夫人嬰難攜孤出入沉霾叢箐卜地玄居以爲子孫繁衍阡陌縱橫簪纓接

續如今日也哉良由百餘年來仁風蒸燠土泉沃腴山川
鬱秀我列祖妣以勤勞節儉祇承而仰答之我子孫不可
不惕然思創守之匪易也譜既立相保相愛各安本俗期
於德行道藝之歸則春祀秋嘗禮宜備也尊卑長幼序宜
正也褒貶予奪法宜肅也歲時伏臘情宜洽也誦讀耕稼
功宜勗也衣冠進退體宜遵也囂俗頽風失宜戒也毋挾
富以輒貧毋先疏而後親爲官者毋鍛鍊周納以治獄爲
士者毋虛守繡輓以希合爲民者毋譸張爲幻以干法報
國家寵遇之隆而思愿代忠孝之訓如是迺與眉山深意
相合而恭勤公未竟之緒與余討論蒐綜之苦心其可以
少慰也夫

重修鳳竹菴募化功德序

吾邑城西煙雲縹緲之勝後湖爲最據後湖全勝崇構礪基快登眺者鳳竹菴爲最菴自前明爲新安商衆捐地基國朝初年節中大師苦行募化四修始成見邑王了菴先生節大師傳詩聯尙存菴中嗣張湘門先生與吾祖南麓公屢偕名流觴咏於此號鳳竹詩社與城東岸花亭社並著四方冠蓋騷人韻士望以爲歸邑人士亦多讀書其中然則此菴關係湘南名勝風雅夙區非他琳宮蘭若所得並也其後節大師法嗣屢次修建皆新安衆信與吾邑前輩同經營焉乾隆初年寺尊宿緯雲師請諸湘門先生廣勸鐫助叢林復盛今又四十餘年風雨剝落殿宇衰毀浮

木之堂千尋之桂。獨稱雅譙地。皆荆蔓縱橫不可跂足。選勝者歎息久之。寺僧心湛師。鹽然心傷。發大洪願。徧乞諸檀那爲重修之舉。索余一言爲信。善勸余惟節大師創此大功德於荒燐白骨中。邀佛力以導迎一邑祥氣百餘年。遭逢昇平。

盛世朋箋聯屐。遂成勝地名播藝林。若令其日就頽敗。匪特戚前人之心。亦使湘水壺山減色。今心湛毅然矢志興葺。而鳩工庀材。所費不貲。惟冀衆大護法。於浩劫中奮入萬四千陀羅臂。一爲援拯。多多益善。始得釋網更維。元津重泄。運窮而必轉。物有待而興。行見勝地如新。名流盛集。豈獨吾邑之幸。其亦四方君子所爲樂觀厥成者夫。

薪園課藝序

新安呂子寸田承其家學以古文爲時文手出一藝輒驚心動魄三川之能文者未之或先也己酉春過周南講院翦燭論文賞奇析疑雪夜至漏三商每稱其邑文士韓君毓萬不置余心識焉呂子歸青要山中復來雒城攜韓君薪園課藝示余屬余爲序其文雍容都雅如謝太傅王公之度大人之容而暇處閒有山澤儀氣讀之每篇稱善蓋呂子之文才而斂於法雄深樸茂數十年來所罕見韓君與呂子朝夕切劘動合矩度蓋古所云薰其德而善良者讀韓君文益信呂子之能以家學勗朋友也韓君既有聲河洛間顧屢擯場屋年近耳順始循年例得明經需次而

同學之人往往以繡輦悅飾虛車。取科第以去。呂子亦屢薦屢斥。白髮穆穆。猶挾敝簏。飢驅數千里外。然則今之所謂時文。固呂子所夷然不屑爲者。逸詩之言曰。翹翹車乘。招我以弓。豈不欲往。畏我友朋。嚮使韓君以造車合轍之法。梯榮一時。亦豈爲呂子之所心許也哉。昔昌黎以書介元協律。交柳州。余不逮柳州。而呂子愛士敬友之盛心。與昌黎類。余於臘底赴大梁。明年將扁舟東南。訪舊友。爲道中州此行。獲交老宿如呂子。使東南能文之士。知新安呂氏之學。河潤九里。挹其秀者。更有韓君。必羣爲撫掌稱快也。

新安呂方伯濯桐齋時文序

余自束髮入太學從當世名卿耆儒遊因得縱觀流傳制藝竊謂五十年以前之文多尙法五十年以後之文多尙才尙法者奉先民遺教以理爲宗毋敢放言高論循循焉秉經酌雅求銖兩之悉稱藏鋒韞穎而言才者莫或出其範圍焉而世家大族之文守其高曾之矩矱兄師友之訓則又務以雍容樸茂醞釀深厚爲上以故出而應世莫不各有事功以自見蓋沐浴於

國家教育者深而山川鍾靈於是獨厚也河南呂氏宋時一門鼎盛史有中原文獻之稱明末忠節公以理學德業爲文章臨難捐軀大節炳千古又不僅以語言文字傳入國朝子孫如侍御司農光祿諸公彬彬繼起立朝丰采符

人望而著述宏富和其聲以鳴盛於是天下言中州文者
必推新安呂氏司農詰嗣桐齋先生天才卓犖學術淵雅
早掇科第服古入官以事功表著余曩遊長沙公幕府稍
稍讀呂氏先人集欽其家學得耳先生政績顧未能遂展
謁老客東都與先生嗣君寸田交寸田詩文才氣橫溢而
軌於法余心折焉訪余周南講院出先生濯桐齋時文受
而讀之其文言必六藝理必先儒秉正鵠以發有的不屑
劇心慌冒鉤章棘句而深醇之氣泃然楮墨之表仁義之
人其言藹如余所謂五十年以前尙法者益於先生見之
蓋其先世德業節烈之所涵濡者廣且大而呂氏於河嶽
精靈尤爲獨萃矣寸田將刊先生詩文謹余爲序余何能

測其涯涘顧自少至老於文字中飽閱天下世家盛衰之
故見嚮之鴻鵠鵲起者精華皆竭而呂氏一家光燄猶藉
藉宇宙間本之盛者枝茂韓子之言不誣也昔宋吳興汪
聞集謝安以下十六人詩爲謝世蘭玉集而呂氏中原文
獻惜當時未有彙而編之者余學殖荒落其言無足爲重
寸田交遊半天下其請諸宿學鉅眼自忠節公而下及一
家弟姪之文合爲一集流布海內庶足以彰
國運家學之盛而先生此刻尤其椎輪也夫

明經董松園時文序

乾隆壬戌四月天下選拔貢生雲集京師禮部具疏請
詔試之太和門大臣閱卷進呈

御定甲乙張榜東長安門外余列一等一名河南洛陽
君松園二等一名始往來相識焉舊例一二等帶領引
見以知縣縣丞分用合河孫文定公奏是科拔貢多英年
宜窮經致用毋遽膺民社請俱送太學讀書俟經明行修
日舉用

詔曰可余與松園遂同居上舍亡何君以親老歸養余亦
以甲子京兆試報罷旅食四方五十年蹤跡不相聞乙巳
余應河南太守劉公聘來主周南講席至洛詢君則已下
世三十年家且中落兩世孀嫗煢煢存一弱息君壻新安
呂寸田訪余講院余至君家報謁君之妻令嗣孫出拜席
帽荷衣森森玉立旋捧君時藝一冊介寸田乞余序董氏

自唐宋以來稱東都鼎族與平樂郭氏門第競盛多魁閣
特達之材君祖御史中丞諱篤行者立朝藩丰采君承家
學少孤以長兄爲師沉酣載籍發於辭章理宗宋儒法準
先民試輒雄其曹爲人醇正謹飭居京師不屑以文章爲
羔雁跂足顯者之門朝壘暮鹽恬如也聞自歸里後杜門
不與外事惟勤定省奉甘旨博母歡心聚族之子姓而教
之以窮經窮理爲要焚膏繼晷寒暑不輟有捷南宮拔乙
科者君行誼日益高敏術日益盛文益博大宏深華實並
茂今發諸篋衍者可誦也迴憶壬戌癸亥余與君方英英
少年懷鉛握槧鞭絲帽影接跡軟紅十丈中有飛揚跋扈
之概謂青紫可俯拾乃忽忽數十年君久明經終老余猶

蹇驢襪被饑驅君之鄉白髮毵毵被面展君遺卷警歎如
新而友朋聚散生死之感棖觸於懷泣然不知涕之流落
也寸田言君家居贈卹貧乏俛助婚喪甚眾里人至今德
之則君之可傳又不獨區區文字間矣

南昌蔡秋圃太史時文序

余宦遊豫章前後十四年所至交其賢豪獲文章切劘之
益爲多老而家居匡廬洪崖軍都玉筍青原之煙嵐變幻
章江彭蠡之雲濤涵湧與夫風雨高齋酒闌燈炮悲歌慷慨
之意氣時藉藉夢魂閒南昌蔡秋圃太史今秋薄遊湘
上訪余昭潭講院歡然道故譚藝每移晷離索之感大慰
出時藝一帙見示矩矱準先民氣格參史漢潔淨精微理

醇詞粹無懈可擊。短篇尤渾灝流轉。具江河萬里之勢。西江一燈於茲未墜也。太史家學淵源而殫精研思。旁搜博覽。學益邃。文益高。古久困場屋。名益崇。嗣君既捷己亥試矣。太史年六十八。始登癸卯賢書。歲乙卯。

天子特重耆學。賜木署清銜。爲稽古崇昔漢儒伏生張蒼。轅固申公井大春輩。皆年踰耄耄。蓋山川清淑敦龐之氣。蜿蜒鬱積。鍾於文章。老伯經術者。又能以厚重篤實之學。含咀醞釀。天遂昌其文。繙其算。以上應景運。余謂是典也。唯太史始足膺之。無媿昔人所謂用功深者。收名也。遠不信然。與余別豫章又十餘年。曩之詞壇角逐者。已晨星落。落而太史晚顏玉色。方稱蓬瀛人瑞。余旣心醉其文。追維

舊雨恍接几席把卷益徘徊不已他日豫章諸君子讀是集者尙亦憶瀟湘一老尙能樽酒論文蹕蹕於疏楊草屋中也

同年畢南峯時文序

有儒者之文有經生之文有才人之文繁稱博引選言雅澤縝密爲體藻績爲工經生之文也議論馳騁發揚蹈厲沛乎莫禦幻乎莫測才人之文也若儒者之文其學以躬行實踐爲主而宣之於著述其於聖賢之言澄心體驗而不敢越也其於六經之旨約以取精而不敢躐也其於四子之議論折衷至當而不敢偏也其於先正之矩矱一準至則而不敢變也若太和元氣充周望之淵然以深味之

油然以長此非十年讀書養氣之功不可今讀同年畢子
南峯制藝作而歎曰此真所謂儒者之文矣南峯家學淵
源德器醇粹孝友力行事事中軌範一生潛修篤實不入
聲華競逐之場以孝廉大挑二等得教職怡然就道所至
以扶翼世教宏獎風流爲己任移帳會城監獄麓講院大
吏皆引重遠近學者歸之如流水南峯冲雍和澹進退不
失尺寸其所著塾訓二編薈萃道學經史精言而融之以
心得可坐言起行以故誥嗣皆卓然克樹立閑家以則在
學署閭門內外夷愉和肅若不聞聲而衆事自理如宋史
所稱李延平先生余嘗語人生平所交經生才人滿天下
獨心欽南峯有儒者氣象故許其文爲儒者之文世之讀

其文者知余非阿所好也南峯淡于進取力辭銓檄近往
往善病求引退然應酬之暇晨夕恆理舊業如少壯時昔
唐德宗勸學士韋綬文思最妨頤養余謂所見殊淺吾輩
以文章爲五穀少所結習老爲之而彌旨其活潑性情調
劑血脈恆百倍於以他事爲頤養者南峯老而好學經書
道德之精華洋溢眉宇將引大年以昌著述余以風塵耗
壯志更歷憂患學殖荒落於南峯無能爲役惟幸天假餘
年願與南峯更相勗勉而已

攝邑事朗州司馬李公五十壽序

嘉慶著雍敦牂之相月春堂公祖以朗州司馬攝吾邑篆
先是公攝武陵事於軍興蠶午之後撫綏輯柔軍民安堵

商貨流通萬姓歡悅行旌啓途日祖帳紛羅塚香捧觴者
數里不絕吾邑人已興叔度來暮之歌矣下車日政令一
新整飭有法手批口訊決斷如流訟臺無羈民簿領無滯
刻投餉斂跡野無遁情旬月之間邑爲大治宜乎公甫署
臨湘一載席未暇煖卽擒獲隣省巨案逃盜上憲保薦能
事

天子特予超遷也蓋公生蜀中文物之邦膺三華縉雲之
秀肆力爲文章又承學博明經兩贈奉政公家學淵源遂
以名孝廉翺翔上國大挑揀發楚南其施爲政事者固蓄
之有素矣聞公服闋領咨赴楚至夔門有苗匪煽亂各隘
戒嚴之信卽促舟兼程赴辰州軍營受事其報

國赴義之心固有大過人者。及攝旌孤城，佐練軍實，倥偬於戎馬鋒鏑之間，出入於瘴癘篳篥之窟，晝則芻蕘餉饋，爲轉輸，夜則刁斗鳴鼙，爲振守。如是者數載，卒能襄膚功，平獷寇，荷大中丞之知，登勞績之最。正韓子稱鄂、柳州所云用儒者文字章句之業，使武夫關其口而奪之氣者，然則公之素所期許者何如？而生平福祚亦豈易量也哉？吾邑自去年興文廟，高峯、塢、萬樓三大役，廟與塢俱葺，事而樓地卓河岸，下臨迅湍，規模高峻，所費不貲，雖已經始以捐項觀望，因循致稽時日。公至廉得其實，一日攝衣獨登絕頂，周覽山川城郭，拱抱環羅，慨然興歎曰：「美哉洋洋乎，斯樓也！」其茲邑之精神命脈，錯繡蒸華，關鍵而擢發之。

者乎。是工烏可以稍弛。迺進紳士於庭。反覆商確。已捐未
繳者。促之宜捐。或漏者。補之。於是窮鄉僻壤。咸知公大有
造於吾邑。不少推諉。而萬樓之工。將速底于成也。遂踴躍
輻輳。棟宇巋然。工倂鼓舞。而公五十覽揆之慶。適當其時。
吾邑人謀製錦祝嘏。公謙讓弗許也。余惟幽風躋堂。稱祝
民之愛戴於上者。必以壽爲頌禱之辭。蓋出於中心之誠。
鬱勃殷結。自後麓大功。成大役者。莫不以壽考頌邦之大。
夫如昌黎。汴州水門記。頌隴西公曰。公多受祉是也。矧公
正值懸弧。叶吉。易以大衍爲乾坤數之始。引伸觸類而互
相長。是公之明作有功。惇大成裕。其膺
楓宸之壽。注秉鉞專麾。集休萃嘉。不可以數限。然則吾邑

人望斯樓也其卽以數之盈而大者爲公聲名福祉兆可乎公其忻然爲酌一卮

湘潭董牧堂少府配黃孺人壽序

余曩游豫章幕府聞贛南觀察董公恆巖先生文章政績媲美施愚山使君負海內重望心嚮往之壬午舉京兆與公令弟慕白先生同年悉世德最詳更聞詰嗣牧堂髫年擅文譽輒心志之嗣余出宰豫章往來匡廬章貢厯公建牙舊地流風餘韻與山川煥耀流連不已獨悵未得與君作把臂交聆其言論丰采如獲見公也壬子自中州講席旋里君適以廉幹荷上官知攝吾邑少府事迺握手如平生歡余旣於觀察公有山高水長之慕以得附慕白譜末

爲幸茲復荷君樾蔭爲飲和食德之鄉老眞所謂文章有神交有道者與君家爲畿輔清門令祖澹齋公宰長洲有循績觀察公膺

特眷洊歷方面惜居杜太恭人喪哀毀過甚不起未竟大用君承世業砥行立名事王太恭人以孝聞好學能文尤工詩少時侍觀察公於聚星書院有和公贛署豐臺十景詩膾炙人口受業桑五岳馮蓼園兩先生讀書庾樓及鬱孤八境臺閒吞吐山川靈秀學業日富鉛山程少宰視學畿輔首爲甄取入都又師錢籜石盧召弓兩先生衆方望連掇科第而君屢躋棘闈亟思用世充虎觀編摩以例就曹職咸惋惜然士君子以立身行己紹述家聲爲重官職

崇庠曷足論乎。吾邑四達之衢，浩穰之所。君馳驅旁午，贊畫敏速，不以鉤距爲事，盜息民安。接人露肝膽，邑紳士樂親之。巾屨嘗滿座，暇則翦芹膾鯉，與幕中諸君子鬪韻唱和。琴室鵬堂風流如昨，益信觀察公文章政績流傳於後。昔宋史稱王質以名家子，所至有冰蘖聲，弗驕弗華，以貧爲寶。君其庶幾！今膺力方剛，聲譽日起，膺卓牘宏遠謨，將更大慰吾邑士民之望也。德配黃孺人少司馬崑圃先生女孫太守獲村先生女門第冠日下，而孺人謙淑溫恭，相夫子以勤儉，蒿簪練裙，不施綺縠。鴻案相莊，一堂離離然。膝前四少君，英英玉立，鴻鵠鵲起，豈有艾與？今歲陽月之三日，值君懸弧嘉辰，吾邑紳士走書淦江講院，誣余文信。

觴余往來京畿五十年多交鉅公杰士猶記癸亥春崑園先生見余詩文卽命駕辱訪廣爲汲引有知己之感又獲交獲村先生於豫章幕府則余與江都江夏兩門文章契合俱非偶然故不敢以衰拙辭又不欲效世俗頌禱藻績虛文謹敘君文章政績與吾邑紳士所以傾心結納抃舞恐後者奉以躋堂稱祝君與孺人其忻然爲進一觴

宜陽杜學博

馳贈太翁太母賀屏序

代

皇上御極之五十年

覃恩內外大小臣工於是河南宜陽縣學以教諭銜管訓導事湯陰杜君遵例請

馳贈太翁應亭先生修職郎太母張氏八品孺人如其階

龍章賁雒雒之僚友紳士及門弟子相與製錦以榮之走
書吳郡謹敘於余余與杜君庚寅同舉於鄉數訪君文林
街時贈公已遊道山猶及以子姪禮拜太孺人於堂上知
潛德淑行莫余若余惟古之臣子逢國大慶榮及父母旣
受命于冊必張樂設燕以爲宗族交遊光寵而其友亦多
作敘賦詩歌以美其事鸞迴燕喜少陵之詩可誦也揚
國恩闡遺徽勸孝行莫大乎是其敢以不文辭杜氏系出
晉太谷自君始祖棣任扶溝教諭遂著藉湯陰尊甫輔堂
公邑武庠性習靜於城西築藝菁別墅以居公朝夕隨侍
躬灑掃勤灌植具厨馔不敢委僮婢以故澹志進取輔堂
公歿贈公母王太孺人患痿痺不能起贈公奉湯藥進盤

匱衣不解帶積勞嘔血一載鬚髮落半太孺人朔望焚香
籲天願以身代十餘年御食佐餽請醢如未疾時鄉鄰以
爲難族多中落贈公於冠婚喪葬事必襄助合禮春秋祀
畢合食別墅盡歡必講明禮義太孺人拊搯肴醴必豐潔
中州歲饑隣人劉考鬻妻於晉賈爲妾旣成劑矣贈公聞
之急曉賈以義揮金代贖毀其劑給以粟使歸完聚今聞
考子孫成行飲食必祝也易簣時手出負券纍纍命君曰
汝父一生劬勞有薄產遺汝足供饘粥責人償何爲盡焚
其券嗟夫吾豫旱歉頻仍饑民妻女爲秦晉駟僮略賣殆
盡至於瞞人脫產子本相侔據爲己物甚且麥將刈而以
薄值收之求如贈公代贈焚券仁心爲質者不一見昔賢

云一介之士苟存心於物必有濟卽此二事保全名節風
示澆漓以教其子歿而受一命之榮烏足盡其報也贈公
獨舉君一子鍾愛過甚捐館後太孺人督課如嚴師摘疵
糾謬不少恕居恆蒿簪練衣率婦女操作紡紉之資佐君
尊師取友舊產數畝爲族子侵奪君欲質諸公太孺人斥
不許其人感愧歸所侵太孺人出濟邑張氏母高孺人歿
事繼母白孺人如高高氏族因立繼爭產齟齬數年不解
太孺人以己待族子事委曲指示咸感悔用能令君銜訓
立名以孝廉任儒官秉經立教兩河聲稱藉然其諸
贈章中所謂宜家昌後者乎今逢清秋佳日張錦錦屏山
之署翠軸霞綾高懸楣際簪纓巾服羅拜於庭知君仰感

天恩思維先訓風木之悲暫釋戲綵之歡猶新卽謂贈公
太孺人如生時怡然受之可也君年盛文雄工楷法曾充
內廷書館繕錄習典故今闕學益績而醇氣英英上託曰
爲善思貽父母令名必果行當宏此遠謨飛騰清要其所
以對揚
丕顯休命以爲宗族交遊光寵者必更番稠疊請自余今
日之文始

同里賴紫山六十雙壽序

嘉慶上章涪灘歲之舉月同里賴君紫山先生暨配黃孺
人六袞雙壽戚友謀張錦祝嘏姻世講吳子介夫謂余臨
潭書院以侑卮之文請余惟書院山長之設肇自北宋以

鄉之大夫七十致仕歸巨者爲之蓋倣周禮黨學父師少
師之遺意凡鄉之德行道藝孝友睦婣者得紀其實而書
之爲閭史以厚風俗而敦教化則揚碩德表淑行引大年
余職也矧坊里非遙棟宇相望素耳君與孺人之賢所忻
然載筆者也君先世居閩之上杭自廷佐公懋遷吾邑遂
占籍焉生君兄弟二人君甫十齡卽失怙兄鶴軒亦蚤逝
煢煢孤立賴謝太孺人賢能綜家政持門戶教君尊師取
友視躬植品君承慈訓矯然自異動中矩範而家益隆起
孺人出清門嫺禮則年十七歸君盡孝職太孺人偶失調
侍湯藥衣不解帶君就養無方奉晨昏親色笑孺人盤匱
滄澁必豐必潔視膳佐饌必恭太孺人顧而樂之扶鳩含

伯臻耄壽焉。嫂李孺人蚤孀。矢志不貳。君以次嗣。君承鶴
軒。君祇教讀。婚娶與諸子等。李孺人以節孝公舉。入邑乘
壽貞珉。皆君扶持力也。君性穎異。攻舉子業。思以功名爲
顯揚。顧履擯有司。而太孺人春秋高。不可離左右。迺棄進
取。尚孝養。援例貢成均。匪其夙志也。今一室皮書千卷。瀏
覽載籍。工詩歌。有穆如清風之致。詞人賦客。縞紵言歡。簪
纓常滿座。孺人知君豪邁。恆佐以豐庖。飽及輿從。相傳以
爲韻事。君居闔閭中。不染刻覈浮競之習。布衣紉履。恂恂
然。孺人亦蒿簪練裳。椎髻操作。酒醴醢醢。細務必躬。親不
委臧婢。易所謂閑家富家之道。其在是與。君生平遇事義
形於色。慷慨好施與。故業且衍。凡二誦不給。及婚喪大事。

不能舉者竭力扶助。必維小安。全而後已。卽戚儔有
迫。必應所請。勿吝。不加德色。亦不望報。孺人能左右贊勸
之。往往脫簪珥以助。此尤吾鄉近日世風所罕觀者。書之
閭史。不亦光且大哉。用能垂裕後昆。長嗣君蜚聲黌序。英
英日上。君力訓其研覃經史。毋繡鞶帨。飾虛車。博浮譽。其
次或勤訓讀。或業持籌。務勤職業。不令入裙屐隊中。家庭
雍睦。內外嚴肅。無嚙嚙之聲。達戶外。語云。積厚者流光。行
且拔幟詞壇。馳驅雲路。以慰君顯揚夙志。此又余之所殷
然屬望者。故余爲祝嘏之文。不作妃青儷白浮諛。謹倣古
閭史所書。質而徵實。爲君與孺人佐一觴。余今年八十。猶
康疆健飯。春秋佳日。每思挾友出游。朋箋聯襁爲樂。而詩

侶近風流雲散君居咫尺錦灣釣石爲邑山川奇秀處商
風高爽菊豔蠨肥將邀君樓喚筇杖酒椀詩筒流連竟日
續白傳香山引年盛會君其與余臚舉也乎

黃岡周母陳太孺人六十壽序

代

粵以歲逢協洽之支律中黃鍾之月嵩山玉女錦蟠四照
之花臺左姑媯几進長生之草近識雒濱帝子馭元鶴以
銜籌遙瞻南嶽夫人吹鸞笙而獻曲頌桓釐之懿行多聞
沛國諸生揚中壘之芳箴應屬河汾弟子惟周母陳太孺
人黃國名家穎川華第明詩習禮嫺內則於珩璜賦菊銘
椒循姆儀於組紉父則大邱碩望身應德星第如伯玉文
宗才稱正字及歸我東亭夫子也椎髻安貧鳴機伴讀牟

匱觴餽偕君子以承歡滫瀡脂膏侍尊俎而佐餽惠而率
下操作於齏鹽井臼之間敬以愼餘計畫及紉管泉麻之
末里郇服其雍穆闡闡法厥柔嘉時則修菴太夫子以孝
廉而任儒官許隨養而趨冷署親享白華之饌襄以服脩
客擎苜蓿之盤將其榛栗久已咏婦則於秭歸亭畔述閭
型於絳帳臺前矣及偕我夫子奉簡夫夷量移衡岫蒿
簪練服卓哉韋布賢規披絮負薪藉甚晉陵舊事慰循良
志操不妨饋餅弃牆勸庶獄平反每對爰書秉燭案齊琴
署恆悲萱砌之先凋地隔幕蓮每歉椿庭之缺養交勵懸
魚之化用成齋馬之名泊乎星掩郎官宿明寶婺清風兩
袖歸囊祇貯煙霞白雪一經遺篋僅存鉛槧師母則支撐

門戶匪勉饗飧無傷夫子貧四時盡瘁自作先生諡一惠
奚慚魚菽饗祠克備視餼之禮雞豚饋客誰聞剡薦之聲
雖食指殷繁未嘗告匱况持籌有法漸亦就亨蓋儉以佐
廉處豐亦如處約斯勤能示後居室仍似居官允可銘諸
退食之堂以繼卻金之美者也至其芸窗督課最以父書
績舍促文嚴於師諭伯氏既膠庠賜餼仲子亦璧沼舉香
譽續雙丁才成兩到地表烏程之胄咸誦懋逢士過道國
之鄉並誇壽若夫蠻江玳瑁東床爲逸少裝書粵海珊
瑚九子與士龍架壘斯又訓垂蘋藻教協蒞蘭者矣前聞
戊亥之歲邑遭庚癸之呼近族深慮拮据懿戚存憂困乏
師母方困無儲粟囊之餘金自屏擋以維艱或補苴之不

暇顧乃睦婣誼篤任恤情殷竭織紉之費還輸簪珥典翟
第之飾爲計饘糜好義由苦而貞存心於物有濟用是慈
能裕福善且積慶何勞雲朮之餐神明朗勝豈藉丹砂之
御步履康彊綠髮朱顏卻杖而笑擎繡褱春花秋月含飴
而看戲蠟珠固稱薛氏之久興將信于門之益大茲者二
世兄出謀鮮腆命事文遊開講席於東都闢硯田於什谷
執經而進解通畫荻之傳著錄者多學本隔紗之授值葭
叶飛緹之吉正梅開設幌之辰慶溢邾城歡騰鞏邑於是
東都僚友西洛賓朋鳴珂曳珮之儔紉履荷衣之士謁茅
容之母未獲登堂讀孟郊之吟爭思灑墨望雲正切恰逢
花甲初週舞綵同歡將製錦屏遙寄屬作侑卮之序用儲

彤史之光_某等夙廁門牆謬分桃李笛吹隔浦記呈李委
之篇樂列後堂曾下彭宣之拜鯉庭欽世澤早知夙矩猶
存燕喜卜洪床竊幸春暉方永佇覩霞繞翠軸

寵錫彤墀彌徵麟角鳳毛升華木署身羈旅館難伸鞠脆
之忱詞愧鄙俚漫代帑鞞之祝庶使北堂壽母快嚼黃橙
紫橘之觴仍如安定門人長守奏雅歌詩之教云爾

彭水縣知縣毘陵徐毅夫六十壽序

_代

乾隆己酉歲蘭秋之五日爲毘陵毅夫徐先生六十覽揆
之辰時先生主山左清源講席嗣君某以州司馬攝河南
郡別駕余適自光州奏署郡事同郡諸寅好謀製錦稱慶
以侑觴之文誣余余耳先生名久又與合嗣君同官弗獲

辭先生毘陵鼎族曾祖順治甲午進士官都察院左都御史祖康熙庚辰進士官禮部主事尊甫明經耆宿以長子官湖南衡山縣令封贈如其官先生幼穎異讀書目十行下於經書子史百家靡不研究貫弗發爲雄深博大之文自其弱冠蜚聲黌序大江以南能文之士莫之或先遊都下名噪公卿間丙子捷京兆出山左劉文正公之門是科得人最盛而先生尤爲文正公所賞依公京邸幾十年外祖陶未堂先生開藩東粵先生往佐之凡數陳宣布皆持大體周民瘼方伯常稱其才可用後教授燕冀齊魯間弟子著錄者衆皆一時知名士先生學通今古凡山川險阻兵刑錢穀悉能總其要而條貫之屢試禮部不第遂思

以才見用於世。壬辰揀發四川知縣時。王師進剿金川。飛芻輓粟。日夕旁午。開軍需總局於成都。李中丞杜廉使。綱其事。素稔先生練達時務。引以爲助。專司文移銷算。削赤牘。日至百函。皆洞中戎機。勾稽出入。雖條目繁瑣。錙銖圭黍靡遺。大功告成。後督府以勞績上聞。奉

旨從優議敘。而先生已題補彭水令。攝會理州事。蜀中當軍興甫畢。民力頗拮据。先生性簡澹。如儒素。官舍蕭然。日餐杞菊。與民休息。民戴之如父母。以前任事。因公里議奪職。襆被東歸。蜀中士民同聲惋惜。而先生視之怡然也。先生既素以經儒名聞海內。宮保尙書孫公中丞梁公薦主今清源講席。先生以近文正公之鄉。不忘明訓。其教以躬

行爲先經術爲要遊於門者望而知爲安定高弟焉先生
性孝友官蜀時再丁內外艱喪葬盡禮解組後諸弟恆相
隨受業與德配胡孺人鴻案相莊旣悼亡十年始置側室
長嗣君庚子中京兆副車校書渠閣議敘揀發中州今佐
郡東都廉慎勤恪上憲悉其才行且英英日起知得之先
生家教深矣聞先生著述盈篋衍不下數千卷皆闡發經
義近益神明朗朗昔漢儒伏勝轅固申生夏侯勝諸人皆
登上壽蓋六經剛大深醇之氣醞釀菁華以富其精神堅
其魄力固非寒暑飢飽所能侵爍而天於績學宿儒嗇其
遇者必昌其文永其年以爲稽古者報先生教授鄒魯諸
儒之鄉克紹盛事此尤理之所不爽也夫

單母黃太恭人七十壽序

代畢尙書

乾隆辛巳歲余官翰林高密單青佺先生以名進士由撫甯宰調宛平相訂僑札分時過從宛平神京浩穰地先生以廉正明敏治之酬應咄嗟立辦理勢摘伏手答耳受無畱滯豪猾栗果望而斂戢又具北海勝槩賓客盈座食豆日恆數百計皆出德配黃恭人中饋綜理裕如時贈公自湖南幕職解組就養先生戴星出入不遑啓居視膳佐餽皆恭人任職不以委僉婢一時公卿重先生廉能尤以是賢恭人單氏山東鼎族科第蟬聯檠戟相望紀閭史者必首恭人蓋恭人系出卽墨清門文章家世至今顯赫德性所薰禮教所秉深且遠也後先生以治行最上官交章

薦荷

天子簡用擢直隸廣平守旋補貴州銅仁晉攝糧儲監司
所至實心爲政不務粉飾清風亮節聲達

朝右恭人以儉約成之蒿簪練裳篝燈機杼子女皆曳布
服甘龔糲如儒生家先生素無聲色之好恭人常以私錢
置一姬躬教之將以備箕帚先生遠歸立遣之終身無副
鑄聞者兩以爲難余出官隴右猶音問往來節鉞三秦時
先生移疾歸里未幾捐館每惜其才弗竟其用也余交先
生故知恭人懿行悉嫻詩禮明大義遇事果決在西路同
知任內族有縣令某絀部議責罰鍰歿於京邸先生時以
公事出恭人脫簪珥急經紀其喪且鞠其遺孤卒得歸里

任太恭人早逝遺兩叔與諸姑婚嫁事無巨細皆自擘畫咸中禮則於娣姒間善調劑雍雍無纖隙遇人功名事能先幾代籌畫質貸以成其美事歲而其人始知亦毫無德色有中表王孝廉光祀者貧老無依先生畱養於署恭人體遺意始終不懈家居教子猶以砥行立名敬宗收族爲要不揣勗文字進取族郇咸以爲重焉乙巳夏余奉

命移節中州嗣君可璣以進士宰商城可珪任汝陽丞皆隸屬下聞恭人就養商城署其儉約一如在先生署時常諭嗣君曰汝家六世受

國恩優且渥汝父服官日事上治民小心謹慎惴惴以墜家聲是懼汝等能效之是余志也不願計祿養余尤欽

其言今年可珪題蘭陽令與可璠以公事至會城召謁前
恭人起居知壽躋七十康彊健飯神明不衰猶能理鍼經
輒爲承歡膝下者慶於是可璠可珪再拜稽首曰某等謫
陋無以爲母榮惟是設悅之辰僚友合謀製錦稱祝某等
弗復辭伏惟大人文章重天下以先君子辱一日之雅敢
以錫嘏之辭請伏乞賜之焜耀感且不朽迴思二十餘年
前京邸樽酒論文有邈若山河之感今旣喜恭人含飴花
署斑綵盈前日以訓誥嗣君潔己奉公爲樂嗣君又能承
先志遵母訓勤其職業將以報

國者報親大昌未竟之緒此尤余所殷殷屬望者也因紀
實爲文使持歸侑恭人一卮且以是爲嗣君勗

陳伊田少府七十壽序

嘉慶三年戊午孟夏十七日伊田陳君七十弧辰同人趨
鞠脰者履相錯其友陶園張叟揚觶於庭曰諸君知陳君
獲壽之由乎蓋天以艱苦危險之境屢摧之而永貞之也
余長君八歲初未識君乾隆乙丑秋自都講假歸過金陵
訪尊甫天池公於檢校署公偕余遊六朝勝蹟款洽備至
始知丈夫子有君心識之後十餘年君謁選人與先君子
相依京邸意氣孚合先君子嘗語余伊田孝悌豪俠人也
其所歷艱苦危險境最多且奇汝結納滿天下他日必交
之余出宰豫章五載既銜恤歸里君始揀發豫章授玉山
少尹余服闋再補粵之滇昌梅嶺與懷玉煙嵐千里遙相

望由吳越度粵嶺者時時述君幹才見器大府且惠政拊
循民愛之如慈母恨未能假道作把臂歡也余自粵罷官
後有事東南轉登太行嵩少教授河洛閒老病旋里而君
賦歸來辭作松菊主人已十三年矣自是敦兩世交往來
最密君以長嗣君從余昭潭講院游邑有修學大舉當事
遴紳董其役兩人皆與焉迺得晨夕聚首縷述生平於先
君子所言歷境危險者知之綦詳自其髫年墮江獲拯爲
入坎出坎之始後四十餘年倫常之變天殤之痛疊起環
生聞者每爲流涕至天池公爲隣狎飛禍喉害君狂奔盡
氣力訴臺使者雪奇冤獲正兇出公於獄其事尤赫赫在
人耳目其他謀祿馳驅忍人所不能忍甘人所不能甘朔

雪炎塵瀕危者數卒安然無恙以至於今孟子以動心忍
性增益不能爲處變者曷佛氏十波羅蜜真諦在忍辱人
生席豐履厚易爲膏粱醉夢所汨沒非錘鍊於風刀雨箭
電光石火中無以堅其肢體聳其神智壯其氣魄君之玉
成其類是與而吾獨異君仕宦不求進囊橐不求豐老屋
瘠田僅給饘粥而待以舉火者數家負債累千有危困事
則目奮髯張以濟之不受欺凌而視族事如己事蓋稟
聖代名臣之家教激厲者深嫉惡如讐赴義若渴又天性
使然前年冬春之交君寒疾幾殆余語人陳君必無恙果
霍然起不一月食盡數豆步履如飛益信天之磨鍊之者
至老猶摯君以孝悌之心豪俠之膽順而承之力而抗之

行將引大年屆後嗣應景運振家聲又理之必然者也茲
同人謹余文祝嘏余不欲作頌禱浮辭述君之生於憂患
者以侑君其爲引滿大酬乎伊田鼓掌笑曰有是哉子之
知余深矣子之言真且摯矣其命余嗣懸諸堂壁俾余時
時覽之以自慰且自賀焉

馬母秦孺人七十壽序

柔兆執徐相月之朔日吾邑馬母秦孺人七十設悅嘉辰
親朋製錦稱祝推余文侑卮余先太安人系出洞庭西山
馬氏於孺人爲尊嫜行百餘年戚懿淑行聲相聞孺人長
嗣君世馨近從余昭潭講院受業誼弗獲辭而書閨德紀
爲女史又古塾師職也孺人西山秦公維青第三女幼習

詩禮嫺姆教年十八而歸載昆公公以游學往來楚南率
年餘不歸孺人奉姑太孺人潔脩隨養得歡心支措家計
無貽內顧憂載昆公愛壺山湘水佳勝遂奉母來家焉而
澹於仕進爲善於鄉孺人以勤儉相夫子黽勉有無賓客
常滿座太孺人年八十患痰疾體尪羸孺人視藥餌豐甘
旨衣不解帶起居扶掖必躬親不稍藉他手歿後喪葬盡
哀盡禮歲時魚菽之祭必潔必虔率男婦捧觴拜獻仰視
遺容淚涔涔下至今猶如一日也孺人同懷弟湘如夫婦
早逝遺孤子女二人孺人爲教養婚嫁織悉中度姪廷章
攜眷來湘婦以產亡遺雛涎血雛孺人鞠之如己孫遇痘
症瀕險銳志保護七晝夜未遑假寐今皆成人立業矣孺

人曉大義族戚子姪有事相質問輒反覆開導以決行止
尤能濟人之急成人之美敬老慈幼便番不倦然孺人行
其心所安非以沽名譽種福田也自載昆公撤瑟後家無
夙儲食指殷繁皆仰給孺人一手操作雖居闔閭績火軒
車與書聲交徹內外過者儼在包山笠澤桑麻比屋花竹
連邨中教兩嗣君以針黹所出作膏火資督課嚴肅寒暑
罔輟尤諄諄以慎交游戒奔競無負先人志業爲訓長嗣
世馨補邑弟子員文譽日隆隆起次嗣世型則綜家政以
助之恂恂爾雅有韋素風人樂得親之先太安人嘗語余
吾族分居吳楚子弟讀書服賈皆勤本業守家聲垂裕後
人毋荒廢游蕩墜二親訓者觀孺人所以教子與子之善

承母志益信孺人今躋古稀康彊健飯蒿簪練裳扶杖含
飴神明不衰將來食文章之報重膺

鸞迴寵錫歲月正未有艾古笙詩如南陔白華歌之可以
養老可以娛賓客孺人觀循陔之樂甘潔白之養兩嗣君
於膝下鞠脰時試取束皙補什按節而歌之其必更標彤
管之榮爲閭史光矣

公祝新安楊明府太翁七十二壽序

歲在彊圉協洽新安明府蒲城楊君之太翁豐亭先生壽
躋七十有二六月二十一日值懸弧嘉辰楊君以安輿自
家迎至官署於是同郡寅好謀製錦以佐綵丐余文爲序
新安邑禰而衝楊君爲政悃悃無華循循盡職余深嘉焉

洛陽張明府與老同鄉爲余述太翁德行知君得之義方之訓爲多夫順親信友爲治民之本矧耆年德望觀政而來以家訓爲治範雍雍然承歡一署實爲邑民迓和錫福此祝嘏之辭諸君樂爲輝煌而余膺表率者亦欣然載筆也楊氏爲關西望族由華陰遷蒲城

國朝以來科第蟬聯不絕太翁尊甫處士祿菴君爲善於鄉有令聞太翁其仲嗣也幼而穎異與其兄同補弟子員試輒雄其曹潼商觀察吾楚潁川屠公素負藻鑑之目見其文詫爲偉才拔置前茅名達成均顧屢躋棘闈士林咸惜之事處士君暨原太孺人克盡孝道人無間言生平禔躬涉世恆體認行恕二字惟性剛介不能容人惡凡以氣

談傲人者不肯相下。然曾無城府。人亦樂與之交。好施與。里有貧且病者。必曲爲賙卹。或轉貸以給之。課子最嚴。風雨寒暑不輟。諸子中登賢書食庠餼者。恂恂若燥髮時。性喜聚書。廚櫥所乏者。必從友借觀。丸墨手鈔。吃吃不倦。治一圃。廣植花木。構茅亭吟咏其中。題曰蔬園。以明澹泊之志。余嘗反覆昌黎川澤之喻。其積者多。施者未厭。可爲積善守約以啓後嗣者勸。太翁之於楊君。則有類是。近聞康彊健飯。神明益勝。與繼配王孺人如梁孟相莊。青要爛柯之山。奇致不讓金粟太翁。當春秋佳日。幅巾竹杖。遊其間。引觴以怡情。吟詩以樂性。必不藉鵲息熊經之術爲長生。楊君以報國者報親。益懋其治行。宏此遠謨。是更余之屬。

望也恭逢

聖天子壽考作人嘉惠耆學行且垂紳曳珮掛名朝籍又豈僅膾鯉烹芹受冰署白華之養也哉太翁聞之其怡然滿觴一觴矣

澧州胡詠海明經壽序

乾隆丙辰余年十六隨家大人館於澧津韓坦齋三丈山寺卽知胡氏爲澧津望族世有隱德顧未得一造廬握識通籍後宦遊南北五十餘年今年元正自中州講席歸里會新建澧陽書院州守方使君自星沙延余來主講遂重爲螢潛遊年已七十有二矣一日韓丈文孫詣余齋請曰澧津胡氏先生夙知爲清門今胡公詠海壽躋杖國以清

和月日。值懸弧辰。同人製錦稱慶。欲得先生文侑卮。余與韓氏羣紀交。且三世。君其懿戚。且澧澹山川友朋。若與余有嬰珞夙緣。固所樂爲載筆者也。君家前明卽世居津市。自連海公起家甲科任學使。而族大昌繁衍。至今絃誦聲相聞。君高祖文元公。登九十六上壽。前郡守石公會給熙朝人瑞匾額。旌其門曾祖及祖咸躋耄耄而尊甫席南公亦年近榮期。郡守何公嘗爲製壽序。蓋澧州外控洞庭。內包九溪。獨浮太清諸峯。綿亘羅列爲老佛癯僊游息之所。津市湖山平衍。土厚水深。其氣博奧。君家又以孝弟忠厚傳世。其多壽考理所不爽也。君昆弟三。長紹庭貢成均。仲駕六與君青年入郡庠。爲一鄉之望。君性孝友。自少壯

至五旬侍父兄朝夕左右豫悅婉容如孺真飭躬淳謹跬
步不入公門有德量待人樂易得井閭族黨歡如挹叔度
汪汪千頃波雖強悍者過其廬咸斂戢久而自化爲雍容
家不踰中人之產而睦婣任卹推解若不及人有急難必
委曲周全遇小善必廣爲稱譽緘口不譚惡事有薛包蔡
順遺風以故官斯土者亦敬而式之其生平崖略如此
聖天子乾行合撰壽宇宏開休風景福煦嫗八埏被
日月之末光者咸引長年增遐算各直省大吏舉以上
聞者歲且百數近澧城胡公百有四歲蒙

賜額建坊山澤鍾靈正未有艾又何俟餐松鍊栢鶴息熊
經以誇引導之術也哉但願君每增一表而余獲以文爲

君壽耆英九老之盛事不讓香山洛下也

馮母何太孺人八十壽序

余在京師見坊刻粵東馮孝廉魁墨悅其文意其人必韓子所云魁奇忠信材德者今秋來仙城將行耿湘門曰子來不見馮彤文失天下士矣因介見素舫齋博質敦默久而意味出焉遂訂兄弟交益讀其文服其行而彤文母何太孺人聞余至喜甚必潔酒脯佐講論余得以子姪禮拜堂下退語彤文母神完而腴紫光上滿大宅必享期頤壽於是彤文手出座師諸城劉觀察公所撰七十壽序曰吾母明年躋八十欲得子文爲壽子無辭湘門言母出同邑潮州司鐸何星若公歸明經鏡潭先生事尊章暨祖姑彭

太孺人以孝聞馮氏家故饒先生負文譽雄豪倜儻事壯
遊急友難家遂中落母持門戶勤操作脫簪珥資遊觀察
序中紅綃封淚紫塞裁衣語蓋實事也湘門又言先生夙
志歿彭孺人尙在母治喪禮極盛如尊章時不欲遺先生
憾傷孺人心家益詘不給日食族中有恃豪凌彤文兄弟
者母力抗之不少屈亦不向貸絲粟獨督彤文兄弟嚴延
師擇友蓬戶蕭然門多長者轍悉以箴解所入佐機聲讀
聲與泣聲常相間次伯氏蚤卒以彤文兄嗣又卒三孀孤
雛日在電光石火中不復知有今日語至此彤文在旁猶
涕濕袍袖云湘門又言自母勤儉綜理家復起彤文亦廣
令聞掇巍科詣凌者愧悔更修好母絕無矜容益教彤文

敦族誼某女適彤文子事母今數年從不見疾言愠色彤
文進新服輒弄篋笥曳舊浣衣蔬澹自安家無綺縠聞軒
車聲則喜今膝前有七孫三孫婦云余遊遍天下竊謂古
來天地敦龐醇固之氣其至今融結而未漓者莫如粵東
石龍太夫人提五尺孤保固南荒效忠三代壽臻耄耋爲
史冊罕見流風所被雖珠玉犀象之鄉而賢媛布衣椎髻
能以材德相尙母於馮氏爲健婦爲孝孀爲義姊爲母兼
父師零丁孤苦百折不撓與石龍事隱相類卒能勞則不
置恢舊業光先緒而天亦報之以吉報之以壽古所謂婦
人以無材爲德豈其然與而余更喜魏禧氏黃母八十壽
序中賢母與子氣類相感一語述陶侃母截髮剝薦留賓

期子名立尹焞母戒子以善養不以祿養爲証古名臣純
儒之母以才德垂教其智識尤過人者焉以彤文沉毅有
大略可進取肩大事一舉後不令仕宦尊師取友赴義賙
急力行以報

國於是粵之人士與其族儔恃母與彤文爲安危者三十
餘年余每過彤文座中食客恆滿皆一時豪湘門又言彤
文遇義烈事氣奮鬣張走炎風烈日中醵金倡義應者如
響母聞之更大喜彤文今望日重母壽日益高日益以彤
文所行善事爲養母子之間以真性相感太和元氣盎然
庭除然則謂粵東雲日清淑之華與山海崇深涵育之氣
今俱於母與彤文徵之無不可也楚粵壤相接余與彤文

湘門約暇必再來講學但願余每來必拜母必爲母作壽序而母之以令德教子使成粵東千百世之名者區區算數又不足以盡之也

張母梁孺人八十詩序

張子夢襄一日肅衣冠詣余昭潭講院再拜請曰吾母梁孺人孟秋十有八日八十悅辰先生與先君爲僚壻交最厚吾母六十年貧劬盡婦職知其事詳莫先生若今母黨懿戚製錦稱祝吾母欲得先生質實之文焜耀閭史垂示後昆幸甚榮甚余弗獲辭孺人外舅蘅皋公第四女出嗣長房鄧林公天性穎慧讀書成誦嫺內則通大義精女紅刺繡譜隨意手製稱絕技閨中奉爲式年十八歸我觀亭

先生卽分析任家政時舅晚聞公以庶常授襄陽司馬家中公產漸落孺人以己奩產所出佐觀亭奉膳姑陳太宜人無少吝晚聞公引疾歸囊橐蕭然食指益眾觀亭諸昆皆窘乏輪月供膳常竭蹶孺人進服脩繼之值己月則躬入廚治膳必豐必潔割必正調必良佐餒必恭得二親歡晚聞公好客譚藝者常滿座則豐酒脯以進儼從咸飽余謁晚聞公道孺人之賢未嘗置口也陳太宜人病劇孺人罷浣櫛奉湯藥調甘旨周旋牀榻晨夕無間太宜人每撫摩呼爲眞孝婦沒後經理喪葬事鉅細必親視心始安晚聞公捐館舍弔賻數邑畢至歲喪葬事計三百緡諸昆益無力襄攸孺人獨舉債仔肩之已奩田房產斥買一空猶

不足嚴息什分之一而處之怡然無怨言嗣觀亭薄游畿輔余遇之河間官解爲余言孺人居勞瘁事停觴淚下並述祖分大宅前後盡易他姓孺人獨保舊居井巷無恙余亦感歎久之聞觀亭以疾歿河間訃音至孺人搏膺幾不欲生設位以奠上膳繆慕舉案如生時及圯遠歸呼搶尤甚竭力營窀穸至今歲時魚菽之祭奉觴哽咽遇父母舅姑忌日亦然清明掃墓必命夢襄恪恭將事周視始返夢襄食餼於庠名噪詞壇將薦成均皆出自母訓而孺人常督察不少恕教諸孫皆成才余自中州歸見孺人康彊健飯日瀏覽書史優游歲月行所無事繞膝斑斕敬而羨之孺人爲張氏婦舉三大事銳志勇決無選懦雖婦職應

然而獨張空拳力撐門戶爲世所希其壽自憂患艱阨中
得來天之所以報之者綦厚矣余詳紀所見聞示諸懿戚
僉曰然迺以報夢襄使懸諸高堂爲孺人更有延年之觴
同年朱遠峯八十壽序

漢之經儒爲吏者多壽考卓茂自密縣令封褒德侯時年
已七十餘蓋其時上之考績不欲速恆寬以歲月使得盡
其綏循教勸之長其民與吏相習疾苦得面陳如家人父
子不忍其去爲吏者樂其順而不盤行所無事亦藉以自
養其清明冲澹之性蘇長公之在膠州期年髮之白者日
益黑況久於其任安得不清泰康強至秩滿歸而猶如蒞
邑時也同年友遠峯朱公以經儒出爲吏其在朝邑二十

餘年爲秦中所未有七十餘倣懸車之義投簪歸里今且
歸然躋八十矣余盥竽江粵與公宦轍分圻不相同及主
講嵩洛秦中大吏與余雅故如畢秋帆秦芝軒兩先生每
過訪談及公咸贊美弗置曰古安靜之吏悃悃無華今朱
朝邑也悵焉未獲悉治績之詳以爲快洎余與公先後歸
里乃得見朝邑士民所贈政績圖冊展玩不忍釋手吾儕
讀書數十年爲

聖天子治一方赤子必以見諸實政爲報効古樂府歌雖
循吏纖悉治行必播之管絃傳於後世今圖中所繪築城
浚隍以固圉修學立書院以興教清河灘田以息訟增長
隄以捍患均賑卹以弭災祈甘霖以甦稼此皆濱大河號

陸治者切於肌膚之事而視官若傳舍者始勤終怠諉責於民故上下相鬪而怨譟興今公二十餘年施之有本末行之有次第若己飢渴飲食不以符牒催擾減騶從杜供應周厯四野順民心以盡民力惟誠故信故民氣和而頌聲作今展圖而吏與民相親相習相愛之忱藹然猶見於河雲城翠青山綠樹間此卽入彤廷之採擇荷緋衣之

寵錫亦何所不可尤可喜者臥轍圖後卽繼之以公畫像夫陸雲去浚儀張方平去益州咸以畫像爲美談然不過畱於彼地爲春秋瞻拜水旱疾疫之禱而已未聞有以畫像贈歸者使公於茆簷晴日玩花垂釣之餘攬鏡對照何

驗其肥瘦自慰其勞逸如文潞公之思洛何文淵公之思
溫猶時與朝邑士民相揖讓於躋堂稱觥時民之謳思無
盡而公之壽亦與爲無盡何其盛與公令嗣五人皆有才
能次第効用於世此政績圖冊卽以爲傅氏父子治縣圖
可矣公兩分校秋闈稱得士其治獄務平反不爲鵩擊簿
書之暇執卷吟哦粹然儒者氣象不以才華奔競圖通顯
而秦中言循吏者必首推之一點靈臺丹青莫狀此非其
稟賦之厚經術之醇而能若是乎嘉平二十日弧辰屆慶
戚友製錦張於庭以余長公二歲同譜夙好索文頌釐余
獨舉朝邑政績圖冊暢而言之爲紀循良祝純嘏者別增
佳話公必神往於蒲關西雒間撚髯微笑與白頭二老大

爵數觴也矣。

奉政大夫湯公瑤齋先生八十壽序

邑侯二樓湯公以武林名進士出宰湖南北所至有聲榮膺卓薦將於引

見後謀省封公瑤齋先生於里門會大吏遴攝邑篆願未遂也余師友多在武林四至其地耳侯名心儀之余弟吾溪與侯同登戊戌第亟思一見以慰夙誠去秋侯借箸來迺得握手如平生歡政暇輒蒙見招樽酒論文益欵洽益知侯施於政者咸稟先生訓而先生於今夏皋月十日巍然壽躋八袞矣先生爲碩臣贈公會孫初舉時喜甚彌月卽援例入成均少負異材讀書破萬卷爲文沉雄博麗鄉

鉅公如陳勾山孫虛船兩先生咸擊節歎賞顧屢應秋試輒爲疾所格父東川公止之曰此有命焉盍舍諸迺棄舉子業耑以篤實之學課子侯遂身應

昌期出而以所學發諸事業人咸爲先生慶先生猶飫然若不足也聞侯初蒞施川先生郵書誡之曰爾爲

國家牛羊之牧當以潔己愛民爲念老人饘粥自給勿貽我憂足矣請迎養堅卻之所寄家書皆官箴無一語及私以故侯十餘年來不敢入一縑一粟爲甘旨奉署齋杞菊自甘內室無紈綺之飾廉聲著遠近焉先生知侯才可大用恆以恬澹貞其守使得耑心職業余謂先生非僅以澹泊養望其道德文章精醇之氣醞釀一室之中而默感於

數千里之外如卿雲之麗霄漢珠玉之耀巖淵可望而不
可卽使侯得宏此遠謨天更昌其運綿其福以報之長孫
某文名亦英英日起蔚乎盛哉侯之蒞吾邑也士林仰之
若祥麟威鳳其爲政也明作惇大廣思集益謙謙善下人
悅而親之今減糶法行貧民足食獷悍斂跡鄉井帖然澍
雨霑足日霽風和良苗懷新田歌滿野具有三登景象而
先生覽揆之吉適當其時蓋侯以潔己愛民仰承親志卽
以先生之福福我邦人遭逢

聖天子釐吏治襲循良超方州拜大郡行在旦夕先生之
福且遍及遐壤匪獨吾邑爲然而其壽亦豈造物甄陶所
能限哉聞先生玉色睨顏神明殊勝日與辛塏中翰芷塘

州佐兄弟怡怡白首相聚又得侯報績之書爲白華之義
春秋佳日聯杖湖壖以兩峯茶筍爲堇飴六橋花柳爲斑
綵酒椀詩筒如入耆英圖畫余望輕學淺無足爲先生重
顧忝年家後輩與侯爲文字之交謹述先生所以教子與
侯之以養志爲承歡者爲侑一觴

吳德齋太翁八十壽序

余自中州撤講席歸同年姜杜薌中丞延主昭潭書院書
院例有首事筦出納擇邑紳之公慎曉事者數人爲之館
師修脯生徒膏火倚重焉是年首事有衣冠中動作謹慎
爲吳君介夫余宦遊南北五十餘年於里中後輩罕識面
詢之知爲德齋吳翁之嗣旣觀其屏當公事條理井然聞

其皆出自庭訓而余姪孫家楷述翁之孫介夫之子超南
爲門壻迺益得悉翁閑家涉世崖略翁齒少余一歲余未
通籍時曾於稠人中識之今隔六十年兩鬢各皤然矣於
是時相過從今年長至後一日爲翁八表弧辰里中戚友
醵金製錦祝嘏乞余文侑卮弗獲辭翁世居毘陵錫山之
麓髫齡穎異就學矣而文字非其所好年十八因姑丈倪
君某幕於星沙隨父明若太翁來訪過吾邑見山川蔚秀
風俗淳厚饒米穀魚鹽之利遂矢志爲懋遷計本僅十餘
金人或難之翁曰古不有赤手起萬金者乎在吾善竭心
力耳乃權子母操奇贏不數載積蓄已豐翁曰吾之爲此
養父母耳乃走迎母彭氏太母來湘遂僑居焉昆季五人

各謀其生。惟翁朝夕承歡膝下。太翁壽六十有四。太母壽八十有四。一堂雍雍然。喪葬盡禮。皆翁獨肩其事。絕不累諸兄。其致孝也如此。翁諸兄各擁厚貲。享高年。然子姪時或有患難窘困事。仍不吝重金扶之。其篤友于如此。親串朋舊。故多喪殯乏資。及櫻難不能陷筭者。助緩急。通有無。周卹備至。無幾微德色於人。亦未嘗責償望報。其睦婣任卹。又如此。翁不事占嗶。持籌之暇。瀏覽書籍。於古今成敗治忽。世家興廢。隆替。咸心體神會之。嘗訓其子介夫曰。古有以好行其德於鄉黨爲美譚者。蓋財之爲物。如器然。滿則撲。中則欹。盛則損。天道物理。聚散盈虛。昭昭可鑒。凡此之機械變詐。以取之。銷銖索算。以剝之。乘民食之艱。以踞

利遏通之粟以爲豪不顧天降罰者皆愚妄也是時翁
已占籍吾邑介夫人成均超南亦應試矣會邑侯李有新
修育嬰堂之舉遊首事董其役介夫亦在其中介夫慮任
重費不繼翁曰匹夫慕義何處不勉况賢宰捐多金以倡
之乎讀書人當識大體明大義於分內所當爲者奮力爲
之方爲好男子若費偶絀吾當竭重金以助汝介夫迺毅然
擘畫經營纖悉備至野無弃惇室多乳哺當事者贊其
能書院首事之遴以此也邑文廟四十餘年荒廢不治
將興工修葺兼有文塲文樓之役計費浩繁將二萬金翁
慨然曰崇師重道此

國家大政關係邑運不淺助捐者宜何以踴躍趨事勿以

私嫌敗公勿以瞻顧阻議始得成此美舉故介夫陸續捐貲較富紳三倍之幾費中人之產非以沽名非以驕眾非以祈福義勇之氣苑爲性成而不自知是可風矣今夏富者閉糶貧者待哺人情洵洵將有攘奪之變邑侯設減糶法翁又命介夫分立公廩多捐己米以濟民情始安他如設義渡砌通衢尤其輕者余修中州郡邑志於篤行好義二條必詳載之以警頽風而振占道翁於錢刀袞袞中能皎然於以退爲進以散爲聚之義爲子孫法此正如古聞史塾師所宜載之貞珉以示後者不僅壽算崇高足以爲翁榮也翁其怡然醵一大觴也乎

公祭粵東王大中丞文

嗚乎。霜冷羊城。風淒珠海。粵秀峯顏。羅浮雲暖。惟公碩德。
望重海東。敷歷中外。偉績豐功。保障炎陲。分輝嶺北。遙瞻
喬蔭。嚮往時切。方仰模範。是則是倣。凶訃驟傳。能不悲悼。
緬思我公。琅玕望族。門第金張。詩禮顧陸。兄旣鳳舉。弟亦
龍驤。鳴珂綰綬。檠戟相望。公應台衡。乘運而出。續學博文。
雄才卓識。早掇巍科。遂登上第。木天視草。承明入侍。
聖皇重外。知公才德。遂自鑾坡。出登熊軾。典領名都。輔雄
望聚。麥秀歌興。花村夢穩。
特旌循績。益重倚毗。分猷宣化。政教聿施。時陳臬事。三輔
無冤。迺咨岳牧。河隴惟藩。

天子念公才兼文武。爰重閫寄。用表憲府。建牙鄂渚。

移鉞楚南風清夢澤春藹昭潭尉佗之江陸賈之城控連
邕管包絡蠻荆官山府海百番貨集沃野奧區箐伐航涉
公膺簡命移鎮此邦蜺旌豹戟荔浦榕江裕以經綸宣以
威德重譯錦帆島夷珠舶刀耕火種豐及山獠馬羊金粟
歌遍炎皋銅鼓不聞樓船不駕灑墨花田招賓幸舍百越
之氓熙熙皞皞咸祝上壽永承丕冒何期瀼氣大鳥先摧
翩然騎麟飛去越臺淚咽僚參哀纏部曲扶桑花落血灑
鸞軸公之德澤蔭及十世積者既厚報者不匱况乎詰嗣
克紹家聲聯鑣皇路接跡西清驄馬蜚英繡衣表表階茂
謝蘭生延鄭笏澤石寰宇功在鼎彝人生如此而又奚悲
某等附封庾梅時寄或附仙舟或蒙厦庇靈輻遄返路出

江表雪滿。素風生丹旄。典型既杳。儀範莫追。聊陳絮酒。載具蕪詞。冥冥嶺猿。浩浩江路。蓬萊之杳。望公何處。

代簡田王氏合族祭王雁亭文

嗚乎。去春驟聞淮上凶耗。吾族人駭而怪。轉而疑。奔走脅亂。及訃果真。或哭諸祠。或哭諸野。或哭諸寢。雖婦嫗童穉。莫不痛失聲。矧吾老人也。哀哉。吾族自元至正間。由古州遷湘。厯三朝。并廬相望。幾五百餘年。彤家謂山水韶秀。將有大其門者。嗣樸齋姪連掇科第一。試封川令。旋報罷。雁亭爲隱園姪長嗣。生而穎英。長攻苦爲文章。落落有大志。從樸齋學。樸齋每稱其不凡。屢挫童子試。隱園攜之北學。成均都下。公卿咸以大器期之。旋裒然舉京兆。聲名藉海。

內吾族人謂昌大吾門者必雁亭嗣以家產中落爲祿養計遂捧檄出都矣雁亭愿任大江南北領循聲者萬口一辭吾楚士商過其境者傳述不置吾族每以爲榮焉雁亭孝友性成睦婣任恤善體隱園之志以成之於公祠獨捐秋季祭費續修譜牒將出重金五世祖元魁公墳塲繼祖母胡太孺人志獨捐費修葺吾族人至今稱羨隱園當就養官署歸述雁亭躬親民事不假佐手吾族私幸雁亭精神筋力固素所樹立及聞泊河日馳驅炎塵烈日衝飈巨浪中以全力赴之尙欲寄公書勸其少節心血乃竟因勤勞王事嬰疾驟逝嗚乎天之奪我雁亭何速耶豫章之木千尋一榮一落莫不與根本相關吾族人之砭心刻骨何

時已也。雁亭自書。痛。恤。歸。里。與。平。老。人。周。旋。時。密。孰。
遂。成。永。訣。思。之。痛。哉。嗚。乎。雁。亭。功。績。著。矣。

天恩渥矣。所以報祖宗培養之恩畢矣。吾族人之賴增光。
寵者至矣。而又奚以悲。今將歸窆幽室。族人以吾老人爲。
莠行。誣爲文。以述哀思。雁亭於族誼最摯。其亦爲黯然神。
傷也乎。

公祭江西按察使圖太淑人文

嗚乎。惟太淑人翟荊魚軒。千里蒞茲都也。萱闥芸閣。十日。
而舉不居也。哀哉。觀察公。血淚摧枯也。同登斯堂。曷禁涕。
之霑裾也。惟太淑人。德則斯柔。氣斯愉也。孝以爲婦。而順。
承夫也。以嚴則母。慈則姑也。出名卿胄。韞玉而瑩珠也。十。

六于歸。筐筥榛栗。禮無疏也。尊卑長幼。克有孚也。謙婢輝
庖。呵叱無需也。自大司空清節嘉猷。冠中樞也。俸錢囊粟
歿而無宿儲也。蓬蒿之室。瓜莧之園。遺厥孤也。及比部公
承世德。爲菑畬也。蕭然四壁。太淑人恬如也。布衣椎髻。朝
操井臼。暮挽鹿車也。相厥夫子。以成清譽也。勗觀察公。讀
父書也。起家省微。出入直廬也。承歡菽水。雜魚菰也。母曰
予安。勿念予也。恪勤報

國。慎汝居諸也。公才敷歷。政教克敷也。內掌水衡。外佐名
區也。受

天子特知。秉臬承符也。由晉之豫。越及吳也。或迎彩鷁。或
板輿也。雞鹿之塞。鳳皇之城。路鬱紆也。綸服之榮。錦韜象

軸責於間也。蒿簪裙布，範益攄也。刀尺箴管，勞及織紉也。戒爾冰襲，屏此綺襦也。平反有獄，色則舒也。彫刃有卹，廉則輸也。晝看肺石，夜劑丹圖也。寃無定國，箴獻文饒也。皆太淑人教以作訐謨也。自比部公終鮮兄弟，三世俱也。太淑人上承先緒，下啓後模也。六十餘年，辛且劬也。靜淡惜福，匪勉有無也。麟則有趾，鳳則有雛也。深心調劑，福益涵濡也。觀察公言之，輒嗚咽而欷歔也。吾聞觀察公孺慕之誠，與古爲徒也。豸袍繡服，長跪進盃也。敬搔疴癢，滌及裙綸也。偕其蘭孫，戲綵爲娛也。嗚乎，盤匱未冷，而奄逝在斯須也。太淑人壽且高矣，福且腴矣，哀榮備至。

國恩殊矣。綿綿世裔，在享衢矣。獨恨錢等當春秋佳辰，不

獲捧瑤觴而看鳩杖也丹旄在霄輜車將在塗也牲之糝也酒之醺也脯則有荔而盤則有脯也望懿型之不可見爲文以告而慚負此生芻也

公祭 誥封一品夫人熊母劉太夫人文

嗚乎惟太夫人系傳藜閣地毓寶城清淮毓社玉孕珠堂七葉五經飄桂曳綬長兄作督保釐郊右孝綽有妹勉之有女椒則能銘菊則能賦嬪於名門赫赫有熊鍾陵裔冑楚繹家風尙書清望儀型百僚堂傳鄭笏笥貯金貂惟太先生文章繼美玉樹載榮母訓有醇莊恪無違淑慎其儀棗麻箴管觥觥盤匱續火照書茶湯佐讀桓君梁孟古今同躋卿月臨天下接武承明出入經書纂組宮袍彩服

玉堂秋水畫舫同浮白。吳市龜勉有無克。相夫子不懈
酒漿時典簪珥。惠以宜家仁以逮下。僮婢頌慈輝。庖感化
和心善氣。衍爲戩穀。三世清門。巍階相續。我中丞公。身應
白衡。父書親授。母訓時承。四十餘年。游歷清要。鑾坡青鎖。
烏府輝耀。惟太夫人懿教所涵。節勗冰蘖。績懋臺參。黼座
倚毗。

賜以節鉞。翠軸蜺旌。開府百粵。奉太夫人就養。錦署彩鷁。
桂江板輿。榕樹東南。表海首重。越邦。

命公移鎮。繡斧牙幢。八座齊眉。扶杖同來。吳山花靄。鏡水
蓮開。雁蕩廉泉。天台慈竹。兩浙黎民。帡幪懿福。

天子知公。高堂具慶。時賜注存。以旌惠政。

紫誥鸞箋銀罍翠管榮以象翟輝以玉版仲亦鴻鵠叔亦
鳳舉象簡豸袍有耀江渚惟太夫人長守儉德裙布蒿簪
不廢絰織受此茆祿宜爾子孫方期上壽永荷

國恩豈謂西崑忽傳青鳥霞暗赤城馭歸瑤島况逢

恩准入籍舊京魂安梓里氣接佳城名存真誥事列女史
彤管流芬素車填里哀榮備禮寵錫自天遭逢如此又奚
憾焉鉞官鄭鄉誼切隣圻輟歌悲切執紼事違丹旆聞歸
松楸在望大江千疊鍾山一桁生芻遙束絮酒遙擎雲輶
少駐鑒此微誠

山陰沈氏側室袁節婦墓碑銘

會稽孟君百川同客嶠城一日爲余言某外舅沈公人鏡

數居吳間幕府元配王氏早歿繼配韓亦無出迺置側室
袁媼媼產蓬門知禮則年十六卽能任酒漿服修醯醢事
蒿簪短裳執庖馩供盤匱事夫與嫡無間言生二女長卽
某妻也外舅老病支離床褥者三年媼晨夕奉事湯藥必
親滌廁牖進虎子容爲之毀未幾外舅歿韓繼亡媼獨厲
志操撫繼嗣廷璜鞠二女副笄時奩服可值百餘緡慎守
之雖竄急不入質庫亦不詣戚郇請累黍助惟以女紅嚴
訓二女晝夜索之造紙鏹繰軒車密箴管以所入爲食稍
贏則儲以爲歲時祭祀之用雖魚菽必清潔涕泣以進女
長遣嫁禮無缺某家貧妻又質弱不任勞距媼家數里媼
日徒步來佐某妻屏當中饋事畢輒歸歸則椎髻操作治

其家歲以爲常而其繼嗣庸鴛不率教亦不克養媼悲憤於中又因積勞成疾其妻迎至家居無何竟以鬱鬱卒年僅五十七某與其次壻董備棺以斂暫厝於外明年將歸越葬之某原惟是媼一生孤苦寄蛻客山歲久年湮恐麥飯椒漿無憑奠醺惻然傷之思伐石樹碣識其兆請先生爲文以昌之余曰婦人之德曰順曰勤曰慈曰節媼於沈氏順以事夫勤以持家慈以鞠孤貞以保節齧冰茹蘗於電光石火中始終不渝得於蓬蓽之質箕帚之傳尤所罕觀而嗣之不才令其積瘁含辛依女以歿吁可悲矣雖格於年例弗獲邀勸旌之榮不可使湮滅弗彰爰紀諸石并表君與董君之義以旌之

生於微細於儀仗與命相如
家叶彼嗣之不母卹而誰依歸女則賢聳則義矣爾宮將
爾祭不同穴兮奚尤懟以死勤事兮九原無愧他山之石
潔且厲勒爲貞珉慰苦志我銘匪誣紀實事

壽星圖贊

華其頂廣其額眉黃潤髮鬢黑素鬚飄飄方瞳閃赫長爪
一尺龍揭攤手捧青瑤斗足踏金殿脊將吸太始之真精
元君之金液是否軍市星南一老人掌握壽權照積德赭
顏玉貌方袍圓帶而婉孌猗與休哉太平世今迺識

男姪

聲

如泰

有普孫啓

裕幹

沃豐宇光

校字